

四庫全書

子部

欽定四庫全書

御定淵鑑類函卷四百三十三

獸部五馬

馬一

增說文曰馬怒也武也三歲曰騊兆高六尺曰驕驚駿

馬也

原又曰驪

張扇反

馬卧土中也

爾雅曰野馬

如馬

而絕有力駢膝上皆白惟髀

音注後兩膝白者

四駁皆白驢

音繒

四蹄皆白首

俗呼為踏雪馬

前足皆白驥

音奚

後足皆白駒

音劬

前

右足白啟

啟服也

左白蹄

前左脚白

後右足白驤左白鬃

易震為馬

足騮馬白腹驪

騮青色黑鬣

驪馬白跨驕

驪黑色驕音述

白州驪

音燕

尾本白騮

音宴尾白鬣

從尾俱毛白也

駵顙白顙白達素縣

素鼻莖

面顙皆白惟駢

莫江反顙額也

迴毛在膺宜乘

伯樂相馬法旋毛在腹下如乳

者千在肘後減陽

或作腹

在幹弗方

幹脇也

在背闕黃

音決此皆

旋毛所在

逆毛居駢

音逆刺者

牡曰騊

之逆反

牝曰騊

黃騮馬駢

馬黃脊騊

音乾

馬黃脊騊

音習

青驪驎驪

音連

蒼白雜

音連錢驄

毛騊黃白雜毛騊

詩有騊有騊今桃花馬

陰白雜毛騊

今之泥驄

白馬

黑鬣駱彤白雜毛駮

駮音赭白馬

白馬黑脣駮

音泉

黑喙駮

淺黃色者

一目白睺

音閑

兩目白魚宗廟齊毫

尚純

戎事齊力

尚強

田獵

齊足

尚疾

增又曰駮白駮黃白驤

詩皇駮其馬

青驪弱

今之鐵驄

青驪繁鬣駮

音柔繁鬣兩被毛或云美髦鬣

驪白雜毛駮

今之烏驄

原又

曰馬八尺曰駮

周禮云馬八尺以上為駮

易說卦曰乾為馬為老

馬為駮馬

增又曰震其於馬也為善鳴為馵足為作

足為的顙坎其於馬也為美脊為亟心為下首為薄蹄

原毛詩曰良馬四之五之六之

又曰駕我騏驎

禮記曰孟春之月天子乘蒼龍

龍者青色

增又曰孟夏駕

赤騂孟秋駕白駱孟冬駕鐵驪

原周官曰凡馬八尺

以上為龍七尺以上為騾六尺為馬天子十二閑六種

邦國六閑四種家四閑二種

又曰凡特居四之一

牝三

者一春祭馬祖執駒

馬祖天駟也駒無令近母也

夏祭先牧頒馬攻

特先牧始養馬者則謂之特

秋祭馬社

馬社始乘馬者世本曰相土作乘馬

冬祭馬步

馬步神為馬災害者

凡大祭祀朝覲會同毛馬而頒之飾幣馬執

扑而從之禁原蠶

原再也天文辰為馬蠶為龍精月直火則浴其種是蠶與馬同氣也物莫

能兩大禁再蠶者為傷馬也

增周禮夏官下曰校人掌王馬之政

辨六馬之屬種馬一物戎馬一物齊馬一物道馬一物

田馬一物

種馬馬之善育者玉輅駕種馬戎路駕戎馬金路駕齊馬象路駕道馬田路駕田馬駕馬

給宮中之役

原論語曰驥不稱其力稱其德也 左傳曰

冀之北土馬之所生 春秋說題辭曰地精為馬十二

月而生應陰紀陽以合功故人駕馬任重致遠利天下

月度疾故馬善走 增春秋考異郵曰陰合於八八合

陽九八九七十二為地地主月月精為馬月數十二

故馬十二月而生人乘馬以理天下王者駕馬故其字

以王為馬 原禮斗威儀曰君乘火而王者其政訟平

則南海輸以駁馬 孝經援神契曰德至山陵則澤出

神馬 史記西域傳曰大宛國別邑七十餘城多善馬

馬汗血言其先天馬子也 大宛國嶠山上有馬不可得因取五色牝馬置其下與集

生駒號天馬子 漢書音義曰騾裏者神馬也赤喙黑身 魏

志曰藏國出果下馬漢時恒獻之高三尺 乘於果樹下行 山

海經曰犬戎之國有文馬縞身朱鬣目若黃金名曰吉

疆乘之壽千歲 又曰白民之國白身被髮有乘黃其

狀如狐背上有角乘之壽二千歲

乘黃即飛黃也

又曰夸父

山北有林名曰桃林

桃林弘農湖城縣也

廣圓三百里其中多馬

常璩華陽國志曰會無縣有元馬河元馬日行千里

死於蜀今元馬冢是也縣有元馬祠家人牧山下或產

駿駒元馬子也

增又曰夷陵縣北三十里有石穴名

曰馬穿常有白馬出穴食人逐之入穴潛行出漢中漢

中人失馬亦常出此穴相去數千里 水經注曰滇池



中有神馬家馬交之則生駿駒日行五百里 虞衡志  
曰德興產果下小駟以瀧水者為最高不踰三尺駿者  
有兩脊骨 又曰蠻馬出西南諸蕃多自毗那自杞等  
國來大理古南詔也地連西戎馬生尤蕃 朝鮮志曰  
朝鮮有麒麟窟在平壤府浮碧樓下東明王養麟馬處  
也世傳王乘麒麟馬入窟從地中出朝天石升天至今  
石上有馬跡 原老子曰天下有道却走馬以糞天下  
無道戎馬生於郊 增莊子曰夫馬陸居則食草飲水

喜則交頸相靡怒則分背相蹄馬知此已矣夫加之以  
衡扼齊之以月題而馬知介倪闐扼驚曼詭銜竊轡故  
馬之知而能至盜者伯樂之罪也 原又曰馬蹄可以

踐霜雪毛可以禦風寒齧草飲水翹陸而居此馬之真  
性也雖有儀臺路寢無用之及至伯樂曰我善治馬燒  
之剔之刻之絡之連之以羈絆編之以皂棧馬之死者  
十二三矣饑之渴之馳之驟之整之齊之前有楸飾之  
患後有鞭策之威而馬之死者已過半矣 孫卿子曰

騏驎一日千里驚馬十駕則亦不及之矣 增呂氏春

秋曰良馬期乎千里不期乎驥驚 又曰古之善相馬

者寒風相口齒麻朝相頰子女厲相目衛忌相髭許鄙  
相腩股代褐相胸脇管青相臍臄陳悲相股脚秦牙相  
前贅君相後凡此十人者皆天下之良工也其所以相  
馬者不同見馬之一徵也而知節之高卑足之滑易材  
之堅脆能之短長 原淮南子曰免人於難者其死也  
葬之以帷為衾馬有功猶不可忘又况人乎 增又曰

今有良馬不待冊綴而行驚馬雖冊綴之不能進為此

不用冊綴而御則愚矣 原萬畢術曰天下有道飛黃

服皐

黃帝時飛黃服皐也

又曰馬毛犬尾親友自絕

取馬毛犬尾置朋友

衣中若夫婦衣中夫婦自相憎矣

地鏡圖曰銅器之精見為馬

蔡

邕月令論曰問者曰七騶咸駕今曰六騶何也曰本官

職者莫正於周官天子六馬種種一騶故六騶

風俗

通曰疲馬不能度繩俗云馬羸不能度繩索或云不能

度種菜畦塍也謹按齊有澠水裁廣三四步言馬之疲

乃不能度此水耳 又曰蝦蟇一跳八尺再丈六從春

至夏裸袒相逐無他所作掉尾肅肅按蝦蟇無尾當言

夏馬夏馬患蠅蚋掉尾擊之故肅肅也 又曰殺君馬

者路傍兒也言長吏養馬肥而希出路邊小兒觀之却

驚致死按長吏馬肥觀者快之乘者喜其言馳驅不已

至於死 又曰馬一匹俗說相馬及君子與人相匹或

曰馬夜行目明照前四丈故曰一匹或曰度馬縱橫適

得一匹或說馬死賣之得一匹帛或云春秋左氏說諸

侯相贈乘馬束帛帛為匹與馬之相匹耳

增按文心雕龍曰古名車

以兩名馬以匹蓋車有佐乘馬有驂服皆以對並為稱單亦為匹如匹夫匹婦之稱匹也此說較長

原

伯樂相馬經曰馬頭為王欲得方目為丞相欲得明脊為將軍欲得強腹為城郭欲得張四下為令欲得長眼欲得高目睛欲得紫豔光鼻孔欲得大鼻頭有火王字口中欲得赤膝骨圓而張耳欲得相近而前豎小而厚凡相馬之法先除三羸五驚乃相其餘大頭小頸一羸弱脊大腹二羸小頸大蹄三羸其五驚者大頭緩耳一

驚長頸不折二驚短上長下三驚大脇短脇四驚淺髀

薄髀五驚

增又曰膺門欲開汗溝欲深

膺門馬前胸也汗溝馬中

脊也

又曰膝如團麴三軍莫逐但知所發不知所宿

又曰驥而不起骨勞起而不振皮勞振而不噴氣勞食

有三芻飲有三時 又曰目成人者生墮地無毛及蘭

筋堅者皆千里

目成人謂視其目瞳子中人之頭足皆見也一筋從元中出謂之蘭筋元中者

目上陷如井字

馬經曰馬性畏灰更畏新出之灰馬駒遇之

輒死

按夏小正曰仲夏之月毋燒灰是月頒馬政遊牝別羣知亦為馬也

神異經曰西

南大宛宛丘有良馬其大二丈鬣至膝尾委於地蹄如汗腕可握日行千里至日中而汗血乘者當以綿絮纏頭腰小腹以避風病其國人不纏也 洞冥記曰修彌

國有馬如龍騰虛逐日兩足倚行或藏形於空中惟聞聲耳天馬汗血是其類也 原魚豢典略曰代馬陰之

精 增博物志曰馬得穀則足重不能行 原何承天

纂文曰馬一歲為犢 注 二歲為駒八歲為馱 八 髦 力會反

馬色也防 防 曲脰馬也馮 文 黃目之馬也馮 中 高馬行 反



也 瑞應圖曰王者順時而制事因時而順道則來騰

黃騰黃者神馬也其色黃王者德御四方則至一名吉

光乘之壽三千歲此馬無死時 又曰乘黃王者輿服

有度則出騷褭者神馬也與飛兔同以明君有德則至

又曰龍馬者神馬河水之精也高八尺五寸長頸鬣

上有翼傍垂毛鳴聲九音有明王則見一本曰王者不

誅口則龍馬乘黃澤馬朱鬣並集 又曰玉馬者王者

清明尊賢則至一本曰玉澤馬者師曠時來 符瑞圖

曰貴人而賤馬則白馬朱髦並集任用賢良則見 又

曰車馬有節則見騰黃者神馬也其色黃一名乘黃亦

曰飛黃或作古黃或曰翠黃一名紫黃其狀如狐背上

有兩角出白民之國乘之壽三千歲 增齊民要術曰

龍顙突目平脊大腹脰重有肉千里馬也 埤雅曰相

馬之法肝欲其小耳小則肝小肺欲其大鼻大則肺大

脾欲其小腠小則脾小心欲其大目大則心大上唇欲

其緩下唇欲其急上齒欲鈎鈎則壽下齒欲鋸鋸則怒

脊欲大而抗額欲方而平喉欲曲而深胸欲直而出兔  
腋虎口皆欲其開深肉輔肉皆欲其大而明耳欲如劈  
竹睛欲如懸鈴頭欲高如剥兔項欲起如飛龍望之大  
就之小筋馬也望之小就之大肉馬也前視見目旁視  
見腹後視見足駿馬也毛束皮皮束筋筋束肉肉束骨  
五者兼備天下駿馬也 酉陽雜俎曰馬體名有輸鼠  
外鳧鳥頭龍翅虎口 又曰馬夜眼名附蟬尸肝名懸  
峰亦曰雞舌 又曰瓜州飼馬以蒼草沙州以茨其涼

州以敦突渾蜀以稗草以蘿蔔根飼馬馬肥安北飼馬  
以沙蓬根針 感應類從志曰以僵蠶拭馬唇內外即  
不咬人亦不喫草取桑作末塗口亦不喫草也以鼠狼  
皮掛馬槽上或云置穀上馬不咬穀 三才圖會曰馬  
火畜也火性健燥決速故易乾為馬乾陽也故其蹄圓  
起先前足卧先後足 宋俞琰席上腐談曰馬健物逆  
風而行則健 田間書曰盡馬之力必蹙 國憲家猷  
曰口中有黑者曰銜烏白額入口為梅雁一名的盧

癸辛雜志曰西域有馬高丈餘人皆行馬腹下往來無礙  
明李夢陽空同子曰馬用地故健馬主行故不寐  
魏都賦曰喬雲翔龍澤馬千阜 陳琳檄曰譬如飛  
兔流星超山越海龍驤所不敢追况乎驚馬可以齊足  
馬二

增尚書注曰伏羲氏王天下龍馬出河 原尚書中候  
曰堯時龍馬銜甲赤丈綠色臨壇上甲似龜廣袤九尺  
圓理平上五色文有列星之分斗政之度帝王錄紀之

數 增宋志曰堯時房地出乘黃之馬 原瑞應圖曰

飛兔者行三萬里禹治水土勤勞歷年救民之害天應  
其德則至馭蹄者后土之獸自能言語王者仁孝於民  
則出禹治水有功而來 增隋巢子曰夏后之興方澤

出馬 原山海經曰大樂之野夏后啟於此舞九代馬

九代  
馬名

太公六韜曰商王拘周伯昌於羑里太公與散

宜生以金千鎰求天下珍物以免君之罪於是得犬戎  
氏文馬毫毛朱鬣目如黃金名雞斯之乘以獻商王

增禮緯曰白馬朱鬣瑞於文王 原周書曰犬戎之馬

赤鬣白身目若黃金名曰古黃之乘成王時來獻也

穆天子傳曰天子之八駿赤驥盜驪白義踰輪山子渠

黃華騮綠耳 增述異記曰東海島龍川穆天子養八

駿處也島中有草名龍芻馬食之一日千里古語曰一

秣龍芻化為龍駒 夏侯地志曰周穆王巡狩諸侯共

尊徐偃王穆王聞之令造父御乘騶裏之馬日行千里

自還討之

應劭曰騶裏一日行萬五千里

原韓子曰管仲隰朋從桓

公而伐孤竹春往而冬返迷惑失道管仲曰老馬之智  
可用也乃放老馬而隨之遂得道焉 管子曰桓公乘  
馬虎望見而伏公問管仲仲曰意者君乘駁馬公曰然  
仲曰駁食虎豺故伏焉 左傳曰魯莊公新作延廐凡  
馬日中而出日中而入

中分也春分出  
之秋分內之

穀梁傳曰晉

獻公將伐虢荀息請以屈產之乘假道於虞以伐虢後  
滅虞荀息牽馬曰齒加長矣 毛詩曰駟頌僖公也僖  
公能遵伯禽之法務農重穀牧於坰野而史克作是頌



駟駟牡馬在坰之野薄言駟者有驕有皇有驪有黃有  
騅有駹有騂有騄有驥有騶有駟有騶有騶有駟有騶  
有魚 列子曰秦穆公謂伯樂曰子之年長矣子姓有  
可使求馬乎伯樂對曰良馬不可以形容筋骨相也天  
下之馬者若滅若沒若亡若失臣之子皆下材也臣有  
所與九方臯其相馬非臣之比也穆公見之使行求馬  
三月而返報曰已得之在沙丘穆公曰何馬對曰牝而  
黃使人往取之牡而驪公不悅召伯樂曰敗矣子之所

使求馬者色物牝牡弗能知又何馬之能知也伯樂曰  
若臯之所觀天機也得其精而忘其粗在其內而忘其  
外馬至果天下之良馬也 增吹劒錄曰伯樂星掌天  
馬孫陽善御故名焉同時九方歟亦善相馬即九方臯  
也 原韓子曰伯樂教其憎者相千里馬教其愛者相  
驚馬以千里馬世一有其利少驚馬多其利多也 呂  
氏春秋曰秦穆公東敗失左驂自往求焉見野人殺將  
食之穆公笑曰食駿馬肉而不飲酒余恐其傷性也遍

飲之而去 左傳曰宋人以文馬百駟贖華元於鄭

史記曰楚莊王有愛馬衣以文繡置華屋下席以露牀  
啗以棗脯馬死欲以大夫禮葬之樂人優孟入殿門大  
哭曰請以君禮葬之以雕玉為棺文梓為槨豫章為題  
奏發甲卒為壙老弱負土諸侯聞之皆知大王賤人而  
貴馬也王曰為之奈何曰請為王言六畜之葬以壠竈  
為之擲銅歷為之棺齊以薑桂薦以木蘭衣之以火光  
葬人腹中王乃以馬屬大官無令天下知聞也 諸葛

亮教曰昔公叔敖乘馬三年不知牝牡稱其賢也 左

傳曰晉侯伐齊齊師夜遁邢伯告中行伯曰有班馬之聲齊師其遁 說苑曰晉平公出田見乳虎伏而不動

平公顧謂師曠曰聞之霸王君出猛獸伏而不敢起今者寡人出乳虎伏而不敢動此猛獸乎師曠對曰鵲食鴝鴝食鷓鴣鷓鴣食駁駁食虎夫駁之狀似駁馬今者吾君當驂駁馬以出乎平公曰然 晏子曰景公使人養所愛馬馬病死公怒令人殺養馬者晏子請數之曰

爾有三罪使汝養馬殺之一當死也又殺公所最善馬  
二當死也使公以一馬之故而殺人百姓必怨叛諸侯  
輕伐吾國三當死也公喟然赦之 符子曰齊景公好  
馬命使善畫者圖之訪似者暮年不得今人君考古籍  
以求賢亦不可得也 左傳曰唐成公如楚有兩驕驪  
馬楚子常欲之不與三年止之唐人竊馬而獻子常曰  
君以弄馬之故隱君身也 韓詩外傳曰顏回望吳門  
見一匹練孔子曰馬也然則馬之光景一匹長耳故後

人號馬為一匹 又曰昔者田子方出見老馬於野喟

然有志問於御者曰此何馬也御者曰故公家畜也罷而不為用故出放之田子方曰少盡其力而老棄其身仁者不為也東帛贖之窮士聞之知所歸心焉 孔叢

子曰公孫龍以白馬為非馬或曰此辨而毀大道子高適趙謂龍曰願受業久矣所不取先生者以白馬為非馬耳誠能去之則高請為弟子龍曰若使去之無教矣韓子曰兒說宋人善辯者也持白馬之非馬也服齊

稷下之辯者乘白馬而過關則顧白馬之賦故籍空辭  
則能勝於一國按實形不能謗於一人 又曰如耳說  
衛嗣君君悅之左右曰公何為不相也公曰夫馬似鹿  
者千金有千金之馬而無一金之鹿者何也馬為人用  
而鹿不為人用今如子雖辯智亦不為寡人用吾是以  
不相也 戰國策曰汗明見春申君曰夫驥之齒至矣  
服鹽車而上太行漉污灑地白汗交流中坂遷延負轅  
不能上伯樂遭之下車攀而哭之解紵衣而幕之驥於

是俯而噴仰而鳴聲造於天仰見伯樂之知己也 增

搜神記曰昔秦人築城於武塞內城將成而崩者數焉  
有馬馳走周旋反覆父老異之因依以築之為城乃遂  
定名為馬邑 原淮南子曰北塞上之人其馬亡入他  
界人皆弔之其父曰此何詎知不為福居數月其馬夥  
其駿馬而歸人皆賀之其父曰此何詎知不為禍家富  
馬良其子好騎墮馬折髀人皆弔之其父曰此又詎知  
不為福居一年北兵大出虜壯者皆控

控張

弦而戰塞



上之人死者十九此子獨以跋故子父相保

幽通賦曰  
北叟頗識

其倚  
伏

史記曰項王駿馬名騅常騎之及被圍於垓下

乃悲歌忼慨為歌曰力拔山兮氣蓋世時不利兮騅不  
逝及至烏江謂亭長曰吾騎此馬五歲所當無敵常一

日千里不忍殺以賜公 又曰冒頓圍高帝於平城所

騎西方盡白馬東方盡青龍北方盡烏騷南方盡騂馬

漂粟手牘曰呂后時冬十二月見未央宮前有一紫

燕后以為不祥使侍中陳當時逐之飛入廐內不得出

值牝馬方仰首而嘶遂飛入其口中便有紫雲覆於馬  
首頃之而滅當時奏狀后異之詔有司專視此馬後生  
駒日馳數百里因號曰紫燕 史記賈捐之上書曰孝  
文皇帝時有獻千里馬者詔曰鸞旗在前屬車在後日  
行五十里朕乘千里馬獨先安之於是還馬而下詔曰  
朕不受獻也其令四方無來獻 西京雜記曰文帝自

代還有良馬九匹皆天下駿也一名浮雲一名赤電一

名絕羣一名逸驃一名紫燕一名綠離驄

天中記作綠螭

一名

龍子一名麟駒一名絕塵號為九逸 史記曰大宛有

善馬在貳師城匿不肯與漢使天子既好宛馬使壯士

持千金及金馬以請宛王善馬宛國饒漢物相與謀不

肯與漢使怒妄言椎金馬而去宛貴人怒遮攻漢使取

財物天子大怒拜李廣利為貳師將軍發屬國騎及郡

國惡少年數萬人以伐宛期至貳師城取善馬 又曰

初天子發書

易書以卜也

曰神馬當從西北來得烏孫好馬

名天馬及得大宛汗血馬益壯更名烏孫馬曰西極馬

宛馬曰天馬 又曰石建為太僕奏事下讀之驚恐曰

書馬者與尾而五今乃四譴死矣石慶為太僕御出上

問車中幾馬慶舉策數馬畢對曰六馬 又曰萬石君

謹慎見路馬必軾 又曰衛綰奏馬高五尺九寸以上

齒未平不得出關

馬十歲齒平

東方朔傳曰驃騎難諸博

士東方朔對曰千將莫邪天下之利劍也水斷鴻鵠陸

斷馬牛將以補屨曾不如一錢之錐騏驥綠耳飛兔騂

騶天下之良馬也將以捕鼠於深宮曾不如跛猫 增

曰者傳褚先生曰黃直丈夫也陳君夫婦人也以相馬

立名天下

原漢書曰元狩二年馬生余吾水中

在朔方北

又曰武帝元鼎四年馬出渥洼水中作天馬之歌

野馬

中有奇異者飲水旁土人持芻得之獻其馬神異之故云從水中出也

鄒子曰董仲舒

勤學三年不窺園乘馬不知牝牡

增西京雜記曰衛

將軍青生子或有獻騶馬者乃命其子曰騶字叔馬

漢書曰昌邑王賀召皇太后果下馬乘之

又曰王尊

遷東郡太守河水盛溢從浸瓠子金堤老弱奔走尊躬

率吏民沈白馬親執珪璧使巫策祝請以身填金堤因止宿堤上 原東觀漢記曰光武初起無馬騎牛殺新野尉乃得馬 又曰光武帝時名都王國有獻名馬者帝以馬駕鼓車 又曰上會諸將問破賊所得物惟李忠獨無所掠上即以所乘大驪馬及繡被衣物賜之又曰吳漢伐蜀戰敗墮水緣馬尾得出 又曰馬援擊交趾謂官屬曰從弟少游常哀吾多大志曰士生一世但取衣食足乘下澤車御款段馬為郡吏守墳墓鄉里

稱善人斯可矣求益盈餘但自苦耳 又曰馬援於交

趾鑄銅馬奏曰臣聞行天莫如龍行地莫如馬臣援師

事楊子阿受相馬骨法孝武帝時善相馬者東阿克鑄

作銅馬法獻之詔立於魯班門外更名曰金馬門臣既

備數家骨法以所得駱越銅鑄以為馬高五尺五寸圍

四尺五寸謹獻詔置馬德陽殿下 又曰卓茂為丞相

史常出道中有人認茂馬者茂問失馬幾日對曰月餘

矣茂曰然此馬畜已數年遂解馬與之曰即非所失幸

至丞相府還我乃步輓車去後馬主自得馬慚愧詣茂  
還馬 又曰張湛為光祿勳帝臨朝或有惰容湛輒諫  
其失嘗乘白馬上每見湛輒言白馬生且復諫矣 又  
曰明帝欲征匈奴竇固議曰塞外草美馬不須穀馬防  
曰宣帝時五將出征其奏言匈奴候騎得漢馬矢見其  
中有粟即知漢兵出乃去以是言之馬當與穀 又曰  
明德后曰吾前過濯龍門見外家問起居車如流水馬  
如龍亦不譴怒但絕其歲用冀默愧其心耳 又曰廉



范奔赴敬陵時廬江郡掾嚴麟俱會於路麟乘小車塗  
深馬死不能自進范慙之命從騎下車與之不告而去  
麟事畢即牽馬造謝而歸之 又曰建初三年賜東平  
王蒼及琅邪王京書并遺宛馬一匹血從前膊上小孔  
中出嘗聞武帝歌天馬沾赤汗今親見其然 增列異  
記曰司隸鮑子都子永孫昱復為司隸皆得乘驄京師  
歌之曰鮑氏驄三入司隸再入公馬雖瘦行步工 原  
常璩華陽國志曰神馬四匹出滇池河中 東觀漢記

曰張奐字然明為安定屬國都尉羌離湍上奐馬二十匹奐召主簿張祁入於羌前以酒酹地曰使馬如羊不以入廐使金如粟不得入懷盡還不受謝承後漢書曰朱震字伯厚性剛烈初為從事奏濟陰太守單匡贓罪并連匡兄中常侍車騎將軍超三府諺曰車如雞栖馬如狗疾惡如風朱伯厚增東觀漢記曰光和四年春正月初置綠驥廐丞領受郡國調馬時豪右辜椎馬一匹至二百萬原又曰桓典為御史是時宦者執政

典無所迴避常乘驄馬京師畏憚為之語曰行行且止  
避驄馬御史 論衡曰楊璇為零陵太守時桂陽賊起

璇乃制馬車數十乘以囊盛石灰於車上及會戰從風  
揚灰向賊陣因鳴鼓擊賊大破之 又曰廣漢陽翁偉

能聽鳥獸之音乘蹇馬之野而田間有放馬者相去數  
里鳴聲相聞翁偉謂其御曰彼放馬目眇其御曰何以  
知之曰罵此轅中馬曰蹇馬蹇馬亦罵之曰眇馬御者  
不信使往視之馬目竟眇 桓譚新論曰節翁者長安

善相馬者也於邊郡求得駿馬騎以入市去來人不見也後勞問之因請觀焉翁曰諸卿無目不足示也廬江七賢傳曰陳衆辟州從事揚州部有賊擊之多死衆請以威信取之因單車白馬往賊束手歸降遂生為立祠號曰白馬從事世說曰昭烈帝初奔劉表屯於樊城表左右欲因會取帝帝覺如廁便出所乘馬的顱走墮襄陽城西檀溪水中溺不得出帝急謂的顱曰今日厄何不努力的顱達帝意踊三丈得過英雄記曰公

孫瓚每聞邊警輒厲色作氣如赴敵嘗乘白馬又揀白馬數十匹選騎射之士號為白馬義從以為左右翼胡甚畏之 曹瞞傳曰呂布乘馬名赤兔能馳城飛堦語曰人中有呂布馬中有赤兔 增寰宇記曰張飛有馬名玉追詞林海錯曰一名豹月鳥時歌曰人中有張飛馬中有玉追江夏白馬廟耆舊云飛之靈也 原吳錄曰孫堅討董卓失利被創墮馬卧草中軍衆分散馬還營嗚呼軍人隨馬向草中乃得扶堅還營 又曰孫權爭合肥馬上

津橋橋見撤文餘無板權躍馬超之得免 襄陽記曰

中廬山有一地穴漢時常有數百匹馬出遂因名馬穴

吳時陸遜亦知此穴馬出得數十匹 魏志曰朱建平

善相馬文帝出左右將馬過平曰此馬相今日死及帝

乘馬馬惡帝衣香齧帝膝帝怒殺之 增又曰文帝黃

初中於上黨得澤馬 馬癖記曰王武子好馬非馬不

行正旦則柳葉金障泥上元則滿月韉清明則剪水鞭

重午則籠嬌鞍中秋則玉櫛總絡頭重九則蟬兒鐙春

秋社則塗金鞍冬至則嘶風鐙除日則樂王鞍每節則飼馬以明沙豆薔薇草世說曰支道林常養數匹馬或言道人畜馬不韻支曰貧道重其神駿吳郡志曰支道庵在南峰古號支硎山今有白馬澗支飲馬處也庵傍石上有馬足四云是道林飛步馬跡原怪志曰謝尚所乘馬忽死尚甚愛惜之時有夏侯弘自言見鬼神與言語尚初不信弘曰我能令馬活信通神否乃下牀去良久還曰廟神愛君馬今已請得還須臾衆人皆

見馬從外至死馬邊便滅死馬即活 又曰有人與奴  
俱得心腹病奴死剖視之得一白鼈取諸藥納口中不  
死後有人乘白馬來溺澣之乃縮頭縮脚試取馬溺灌  
之便消為水病者乃飲一升馬溺乃差 搜神記曰趙  
固所乘馬忽死固甚悲惜之問郭璞璞曰可遣數十人  
持竹竿東行三十里當有丘陵林樹便攪打之當有一  
物出急抱將歸於是如璞言果得一物似猴入門見死  
馬跳梁竟往死馬頭噓吸其鼻馬即起亦不復見猴



抱朴子曰李南乘赤馬行逢人乘白馬白馬先鳴赤馬應之南謂從者曰白馬言汝當見一黃馬左目盲是吾子可令駛行相及也須臾果逢黃盲馬赤馬果先鳴盲馬應之 增又曰韓子治嘗以地黃甘草哺五十歲老馬又生三駒又百三十歲乃死 載記曰慕容廆有駿馬曰赭白有奇相逸力石虎之伐棘城也鮑將出避難乘之馬悲鳴躡齧人莫能近鮑曰此馬見異先朝孤嘗仗之濟難今不欲出者蓋先君之旨也虎尋退益奇之

至雋光壽元年四十九矣而雋逸不虧比之於鮑氏驄  
命鑄銅以圖其像親為銘贊鐫其傍置薊城門掖是月  
象成而馬死 續安帝紀曰司馬休之奔廣固慕容超  
欲害之休之不知常所乘騅馬於牀前養餌忽連鳴不  
食注目視鞍休之試被之即不動也訖還牀坐馬又驚  
跳因試騎纔出門外便奔馳走行十里顧望所住已有  
收兵至矣後還睢州加騅馬揚武之號 崔鴻十六國  
春秋曰太上四年兗州民王蒲率衆來降獻馬一匹羊

鬚去地九寸 原宋書曰宋大明五年吐谷渾拾寅遣

使獻舞馬 增又曰劉胡之叛走也袁顗大怒罵曰今

年為小子所誤呼取飛燕謂其衆曰我當自出逐之

飛燕

馬名 述異記曰東平畢衆寶家在彭城有一驄馬甚快

大明六年夢其亡兄衆慶曰吾方有戎役而無快馬汝

可以驄馬見與夢中許諾既覺呼同宿者說所夢始畢

乃聞馬倒聲遣人視之裁餘氣息狀如中惡衆寶心知

其故為試療治向晨馬死衆寶還卧如故眠聞衆慶語

曰向聊求馬汝護治備至將惜之耶今以相還別更覓也至曉馬活食時復常 蕭子顯齊書曰楊玉夫殺蒼梧王太祖夜從承明門乘常所騎赤馬入殿咸稱萬歲及踐位號此馬為龍驤將軍世謂龍驤赤 梁小說曰梁武帝有良馬名照殿玉獅子 南史曰天監四年河南獻赤龍駒能拜伏善舞詔張率與到溉周興嗣為賦又曰梁豫章王綜降魏後衆不得還者甚衆湘州益陽人任煥常有騅馬乘之遁去煥為抄所傷人馬俱敝

煥於橋下歇抄復至煥脚痛不得上馬向馬泣曰騅子我於此死矣馬因跪其前脚煥乃得上馬遂免難 又

曰侯景所乘白馬每戰將勝輒躑躅嘶鳴意氣俊逸其有奔竄必低頭不前及石頭之役精神沮喪卧不肯動景使左右拜請或加箠策終不肯進 伽藍記曰後魏

河間王元琛遣使向西域求名馬遠至波斯國得千里馬號曰追風赤驥次有七百里者十餘匹皆有名字以銀為槽金為環鎖諸王服其豪富 北史曰後周齊王

憲文帝子也帝賜諸王馬惟所擇憲獨取駿者曰色類  
既殊從征伐牧圉易分耳帝喜曰此兒知識不凡又  
曰北齊高緯御馬皆藉以氈罽被以金玉食物有十餘  
種號為駿龍儀同其將合牝牡則設青廬黼帳嘗親視  
焉北史隋書曰煬帝令李景營造遼東戰具於北平  
賜御馬一匹號獅子駘王劭傳曰隋文帝所乘騶騊  
脊有肉鞍朝野僉載曰隋文帝時大宛國獻千里馬  
駿曳地號曰獅子驄上置之馬羣陸梁莫能制郎將裴

仁基曰臣能制之遂攘臂向前去十餘步踴躍騰上一  
手撮耳一手握目馬戰不敢動乃跨乘之朝發西京暮  
至東洛隋末不知所在唐文皇勅訪之同州刺史宇文  
士及得於朝邑市麪家挽磴駿尾焦禿皮肉穿穴及見  
之悲泣帝自出長樂坡馬到新豐向西鳴躍帝甚喜齒  
口盡平飼以鍾乳仍生五駒皆千里足也後不知所在  
舊唐書曰王世充兄子琬使於竇建德軍中乘煬帝  
所乘御驄鎧甲甚鮮來往軍中以誇衆太宗曰彼之所

乘真良馬也尉遲敬德請往取之乃與高甌生梁建方

三騎直入賊軍擒琬引其馬以歸唐書曰貞觀十三

年三月乙巳吉辰廐產白馬朱鬣又曰東骨利幹產

良馬首似橐駝筋骼壯大日中馳數百里太宗時其大

酋侯斤因使者獻之帝取其異者號為十驥一曰騰霜

白二曰皎雪驄三曰凝露驄四曰懸光驄五曰決波驄

六曰飛霞驄七曰發電赤八曰流金駟九曰翔麟紫十

曰奔虹赤又曰永徽中吐谷渾河源郡王慕容納遣



使獻駿馬上問其馬之種性對曰臣國中之最者所以獻之上曰馬人之所欲豈可奪彼不足而加我之有餘哉乃命却之又曰永徽中駿馬國遣使朝貢其地在突厥之北漸近北海馬色並駁故以為命又曰開元十二年太原獻異馬駒其耳如筒左右各十六肋尾無毛孔帖曰王毛仲高麗人於牧事尤力蕃息不貲從帝東封取牧馬數萬匹每色一隊相間如錦繡天子才之名畫錄曰開元內廄有飛黃照夜浮雲五花之乘

明皇雜錄曰上所乘馬有玉花驄照夜白開元記曰  
照夜白封泰山回令陳闕圖之宣室志曰李邕為臨  
淄太守入山採藥忽遇一翁曰君侯躬自採藥豈不為  
延聖主之壽乎曰然翁曰聖主當獲龍馬以彰清世雍  
熙之瑞無勞採常藥耳邕曰龍馬安在答曰當在齊魯  
之郊若獲之即是太平之符邕方命駕以後乘遽無見  
矣邕大異之顧謂從事曰得非神人乎即命吏求神馬  
於齊魯之間至開元二十九年夏五月乾貞果得馬於

郡民馬會恩之家其色騅毛兩脇有鱗甲鬃尾若龍之  
鬚鬣嘶鳴真簾笛之音日行三百里乾貞詢其所自會  
恩曰吾獨有牝馬嘗浴於溜水遂有胎而產因以龍子  
呼之乾貞即白於邕邕甚喜因表其事以獻上大悅詔  
內閣異其芻豢命畫工圖其狀頒示中外 唐書曰天  
寶中隴右節度使皇甫惟明奏龍支縣人庫狄孝義家有  
馬生龍駒經九旬有九日身有鱗而不生毛臣就檢視  
時有慶雲五色遙覆其上久而不散伏望宣付史館以

為寶錄從之 紀異錄曰天寶中大宛國進汗血馬六

匹一曰紅叱撥二曰紫叱撥三曰赤叱撥四曰黃叱撥

五曰丁香叱撥六曰桃花叱撥上乃製名一曰紅玉輦

二曰紫玉輦三曰平山輦四曰凌雲輦五曰飛香輦六

曰百花輦復命圖於瑤光殿乃改為觀驥殿 明皇雜

錄曰明皇嘗令教舞馬四百匹分為左右目為某家寵

某家驕時塞外亦以善馬來貢上俾教習無不曲盡其

妙因命衣以文繡絡以金鈴飾其鬣間雜以珠玉其曲

謂之傾盃樂若歌其曲奮首鼓尾縱橫應節又施三層板牀馬乘而上旋轉如飛或命壯士舉一榻馬舞於榻上樂工數十人立於左右前後皆衣淡黃衫文玉帶必求年少而姿貌美秀者每千秋節常命舞於勤政樓下馬癖記曰哥舒翰有馬曰赤將軍翰愛之甚以朝章加其背曰過我北林兒遠矣此駿馬也續博物志曰肅宗時有告保定太守反者令李泌乘千里馬往案之千里馬寧遠所獻髮拳紫色狀如八駿乘者必衣裘冒

絮抱持而行早發扶風初馳三十里則皆旁側跳三十里外乃墜然而去惟聞耳畔風聲飛前蹄之土過耳辰時達保定申時歸奏事 又曰德宗有二馬一號神志驄一號如意駟皆耳中有毛引之可長一尺而進退緩急皆如上意以是名之一日花木方春上欲幸諸苑內廐控馬侍者進瑞鞭上指二駿語近臣曰昔朕西幸有二駿謂之二絕今獲此鞭可謂三絕矣 侯鯖錄曰唐興元間有知馬者曰李幼清暇日過馬肆見一悍馬結

縹交絡其頭二力士以木叉其頤三四人執撾而從之  
馬氣色如將噬有不可馭之狀幼清迫而察之訊於主  
者曰馬惡無不具也將貨焉惟其所酬耳幼清以三百  
萬易之馬主慙其多既而聚觀者數百輩詰幼清幼清  
曰此馬氣色駿異骨體德度了非凡馬主者不知俾雜  
駕輦槽棧敗壞糞穢狼籍刷滌不時芻秣不適蹄齧蹂  
奮蹇跂唐突志性鬱塞終不得伸久無所賴發而狂躁  
則無不為也既晡觀者少間乃別市一新絡頭幼清自

侍徐而語之曰爾才性不為人知吾為汝易是縲結穢  
雜之物馬弭耳引首幼清自負其知乃湯沐剪刷別其  
槽棧異其芻秣數日而神氣小變踰月而大變志性如  
君子步驟如俊乂嘶如龍顏如鳳乃天下之駿乘也

杜陽雜編曰元和時有處士伊祁縝髮童顏乘一黃牝  
馬纔高三尺不噉芻粟但飲醇酎不施韁勒惟以青羶  
藉其背北夢瑣言曰劉三復以文章見知於李德裕  
能記三生事云曾為馬馬常渴望驛而嘶傷其蹄則連



心痛後三復乘馬磽确之地必為緩轡有必去之恐傷馬蹄也 異聞錄曰唐開成初有鮑生者多畜聲妓以夢蘭小倩自隨外弟韋生有良馬數匹同憩歷陽道山寺鮑置酒命妓韋見鮑有欲馬之意曰能以人換乎鮑遣四絃更衣而出韋以紫叱撥酬之俄有二客至以妾換馬為題共賦一曰香煖深閨未厭天桃之色風清廣陌曾憐噴玉之聲一曰香散綠鬟意已忘於鬢髮汗流紅額愛無異於凝脂客自稱江淹謝莊也 五代史曰

朱溫愛寇彥卿賜以所乘愛馬一丈烏溫圍鳳翔彥卿乘馬馳突陣前溫曰真神將也 范延光傳曰明宗問

延光馬數幾何對曰騎兵三萬五千明宗撫髀歎曰吾居兵間四十年自太祖至太原時馬數不過七千莊宗取河北馬纔萬匹今有馬三萬五千匹而不能一天下吾老矣馬多奈何延光因曰臣嘗計一馬之費可養步卒五人三萬五千匹馬十五萬兵之食也明宗曰肥戰馬而瘠吾民吾所醜也 五代史曰劉旻據太原與契

丹約為父子契丹以黃騮馬為聘後與周世宗戰高平  
敗獨乘黃騮馬以歸遂與黃騮治廐飾以金銀食以三  
品料號自在將軍 倣戒錄曰偽蜀渠陽鄰山有富民  
王行思嘗養二馬愛之甚於他馬一日乘往本郡遇夏  
潦暴漲舟子先渡馬回舟以迎王氏中流風起船覆其  
馬自岸奔入駭浪接主蒼茫之中遽免沉溺 雲煙過  
眼錄曰元祐時于闐所貢鳳頭驄董氊進到錦膊驄天  
駟監揀中秦馬好頭赤溫溪所進照夜白李伯時畫為

天馬圖 東坡志林曰余在岐下見秦州進一馬駿如

牛額下垂胡側立倒傾毛生肉端番人云此肉駿馬也

乃知驄馬行肉駿魄礪當作肉駿耳 孔氏談苑曰神

宗有馬名小烏曾以曹太后所送珠鞍於神寧殿親試

之駕幸金明池回遂乘此鞍 蘇軾三馬圖贊引曰元

祐初西域貢馬首高八尺龍顙而鳳膺虎脊而豹章出

東華門入天駟監振鬣長鳴萬馬皆瘖父老縱觀以為

未始見也 楓窗小牘曰徽廟有平日所愛小烏一日

宣召其馬至御前昂足不肯進左右鞭之益鳴跳不如調訓時圉人進曰此願封官耳上曰猴子且封供奉况使小烏白身耶勅賜龍驤將軍然後帖然就轡 宋史曰曲端有馬名鐵象日行四百里其被逮也連呼鐵象可惜者數聲乃就逮 綱目曰岳武穆常人見帝從容問曰卿得良馬否答曰臣有二馬日噉芻豆數斗飲泉一斛然非精潔即不受介而馳初不甚疾比行百里奮迅自午至酉猶可二百里褫鞍甲而不息不汗此其受

大而不苟取力裕而不求逞致遠之材也不幸相繼以死今所乘者日不過數升而秣不擇粟飲不擇泉攬轡未安踴躍前驅甫百里力竭汗喘殆欲斃然此其寡取易盈好逞易窮驚鈍之材也帝善其言 梅澗詩話曰

姚興嘗畜一馬名青獅子每親飼之若通其語言時取斗酒投大盆中與馬同飲曰吾與汝同力報國紹興辛巳之冬金主亮來寇尉子橋之戰大將王權先遁時興為統領以所部四百騎抵敵凡十餘戰權不救援部將

戴臯亦翫視不救遂與馬同歿於陣朝廷憫之厚卹加謚立廟淮南有題絕句者云赤心許國自平時見敵捐軀更不疑權忌臯庸皆遁走同時死難只青獅 程史曰淳熙間宿松叛民汪革有三馬號惺惺騮小驄騾曰番婆子駿甚 齊東野語曰畢再遇兗州家將也開禧中用兵累有功金人認其旗幟即避之始居於霅有戰馬號黑大蟲駿駟異常獨三翁能御之再遇既死其家以鐵絙羈之園中適遇獄司迎神聞金鼓聲意謂赴敵

於是長嘶奮迅斷絙而出其家慮傷人命健卒十餘挽之而歸因好言戒之曰將軍已死汝莫生事累吾家馬聳耳以聽汪然出涕喑啞長鳴數聲而斃程史曰九江校王成者於淮上得病踰養之後惟成得乘也嘉定間成為峒寇李元礪所殺馬悲鳴屍側賊將異而取之為元礪弟所得馳騁良愜其意后乘之以犯永新柵我軍出迎踰識旌旗亟馳賊覺有異大呼勒挽不止擊以鐵槊胯為盡傷踰不復顧冒陣以入遂執之以徇於軍



軍士鼓噪爭奮遂敗之居二日驗病傷不秣而死遼

史曰鈕掄尼魯袞善識馬常行郊野見數馬跡指其

一曰此奇駿也以已馬易之果然金史曰景祖有黃

馬獨乘如意景祖歿遼貴人爭欲得之世祖弗與曰難

未息也馬不可以與人遂割其兩耳謂之禿耳馬遼人

乃弗取元史曰王珣年三十餘遇一道士謂之君相

甚奇他日因一青馬而貴珣未之信居歲餘有客以青

馬來鬻乃倍價買之後乘以戰進退周旋無不如意

霏雪錄曰大德十年西域貢千里馬其馬食肉每旦必  
以羊肉酥油沙糖胡椒和飯秣之 周伯琦天馬行序  
曰至正二年七月西域拂郎國遣使獻馬一匹高八尺  
三寸修如其數而加半色漆黑後二蹄白曲項昂首神  
俊超逸視他西域馬可稱者皆在髑下殆古所謂天馬  
耶金勒重轡馭者其國人黃髮碧眼言語不通以意喻  
之凡七度海洋始達中國上御慈仁殿臨觀稱歎命育  
於天閑飼以肉粟酒湏勅翰林學士庫庫命工畫者圖

之直學士揭傒斯為之贊 逐鹿記曰李文忠北征患渴所乘馬以足跑地泉隨湧出三軍賴之乃為文殺牲以祭 羅汝敬龍馬賦序曰永樂十八年青州諸城縣產龍馬其鱗甲鬐鬣龍也文臆頰尾形色光彩走趨意態亦皆龍也鄉氓告於有司而獻之 方州雜錄曰先朝西域貢馬高九尺餘頸與身等昂舉若鳳京師多有畫本景泰末西域進白馬高如之頸亦類焉後足脰節間有二距毛中隱若鱗甲陶九成所記松雪所圖六蹄

此類也天順中復見之御馬監坊沙道上但不受羈馭  
不知日行幾何也造物奇偏固有異常是不可與柳宗  
元疑八駿圖為妄者並論

### 馬三

原青龍

白兔

呂氏春秋曰伊尹說湯曰天子不得至  
味故須青龍之匹遺風之乘高誘注曰

皆馬名也疾若此遺風也崔豹古今注曰秦始皇始  
皇有七名馬追風白兔躡景追電飛翾銅雀晨鳧如

龍

似鹿

上詳馬二東觀漢記  
下詳馬二韓子

歆玉

流珠

穆天子  
傳曰天子

子東遊於黃澤宿於曲洛曰黃之池其馬歆沙皇人威  
儀黃之澤其馬歆玉皇人壽穀傅休奕乘輿馬賦曰

揮沫成霧  
流汗如珠

千里

九逸

上詳馬二史記賈捐之上  
下詳馬二西京雜記

朱翼

縞身

黃帝龍馬頌曰夫龍馬之所出於太蒙之  
荒域分虞淵之幽濬通天光之所極生河

海之濱涯被華文而朱  
翼下詳馬一山海經

地精

坤象

上詳馬一春秋  
說題辭周易

曰坤元亨利牝馬之貞王弼文言注曰  
以龍序乾以馬明坤隨事義而取象也

翹陸

奔蹏

上詳馬一莊子漢書曰馬或奔蹏  
致千里士或有負俗之累而致功名

奔霄

追電

子王

年拾遺記曰周穆王即位巡行天下取八龍之駿一名  
絕地足不踐土二名翻羽行越飛禽三名奔霄夜行萬

里四名越影逐日而行五名踰暉毛色炳曜六名超光  
一形十影七名騰霧乘雲而奔八名挾翼身有肉翅

下詳白

騂騏

騶駼

上詳馬二毛詩史記造父以  
善御幸於周穆王得驥溫驪驊

兔注

駟騾耳之駟西

麟形

雞目

張駿山海經圖畫贊曰  
敦山有獸其名為穀麟

形一角尚書大傳曰散宜生之犬戎氏取美馬驄身  
朱鬣雞目者取九六焉陳於紂之庭紂出見之還而觀

之曰此何人也散宜生遂趨而  
進曰臣西番之臣昌之使者

驕驄

騏驎

上詳馬  
二史記

東方朔傳孫卿子曰驕驄  
騏驎纖離騾耳古之良馬也

引重

代勞

易經服牛  
乘馬引重

致遠以利天下鹽鐵論曰庶  
人之有馬者足以代勞而已

班政

作歌

月令曰  
季秋天

子乃教於田獵以習五戎班馬政又周禮曰庾人掌十  
二閑之政漢書曰太初四年李廣利為貳師將軍伐

大宛得汗血馬作  
西極天馬之歌

房精

震象

原注曰馬房星之精  
下詳馬一易說卦

在垌野

歸華山

上詳馬二毛詩書歸馬  
于華山之陽示不復用也

志千

里 價十倍

曹孟德樂府曰老驥伏櫪志在千里  
秋後語曰蘇代說淳于髡曰有賣駿馬者

比三日立於市人莫市乃見伯樂還  
而視之去而顧之一旦而價十倍

蹋石 過都宛

有天馬蹋石有迹 賢臣頌駕齧  
膝勝乘黃過都越國蹶如歷塊

金埒 玉珂 世說曰王

武子好馬買地試馬編錢匝地  
時人謂之金埒 下見簡文詩

口錢 肉矢 漢昭帝  
詔無斂

今年馬口錢注時有百口出斂所謂租及六畜  
曰魯莊公及宋人戰於乘丘縣賁父御卜國為右馬驚  
敗績縣賁父遂死之圍人浴馬  
有流矢在白肉公曰非其罪也

泛駕 局轅 漢書曰  
泛駕之

馬亦在御之而已言有逸氣不循軌  
漢武謂鄭當時曰何乃局促如轅下駒

食苗 踐葵

詩經皎皎白駒食我場苗繫之維之以永今朝  
室邑之女曰昔有客過繫馬園中馬逸踐予葵使予終  
魯漆

歲不飽葵  
詳賢女注

毛縮

齒平

西京雜記曰元封二年大雪牛馬皆蹇縮如蜎下詳馬

二史  
記注

垂耳

傷骨

吊屈原文曰驥垂兩耳伏鹽車兮魏陳琳詩曰飲馬長城窟水寒

傷馬  
骨

既差

勿逐

詩經既差我馬注差擇也易經喪馬勿逐七日得

綱惡

旌繁

周禮綱惡馬綱係也左傳有旌繁乎稱舉也

惜一

量三

史記東胡求冒頓千里馬羣臣曰匈奴寶也勿與冒頓曰與人鄰國奈何惜一馬周禮夏官馬質

掌質馬量三物一曰戎馬二曰田馬三曰駕馬皆有物價注云物色也價直也

異產

平價

左傳晉惠公與秦戰乘鄭小駟慶鄭曰古者大事必乘其產生其水土知其出入安其教訓而服習其道惟所納之無不如志今乘異產從諸戎事及懼而變將與人易亂氣狡憤陰血周作張脉憤興外強中乾進退不可



周旋不能君必悔之弗聽及戰公戎馬旋渾而止漢書元狩五年天下馬少平牝馬匹二十萬注責平牝馬

價欲使人競畜馬

去害

求良

莊子曰黃帝遇牧馬童子請問為天下童子曰夫為天下

者奚以異乎牧馬者哉亦但去其害馬者而已矣下詳馬二列子

乘肥

騁怒

論語乘肥

馬左傳林楚怒馬及衢而騁

因風逸

踣地鳴

風馬牛因風而逸下詳馬二吳錄

上虞坂

走章臺

騏驎駕鹽車上虞坂見伯樂而長鳴知其識已

張敞傳曰敞為京兆尹罷朝走馬章臺街自以便面拊馬注便面若

今沙門持竹扇為不欲見人也言敞無威儀也惜

障泥

走長楸

世說曰王濟乘馬不肯渡水濟曰是必惜連乾障泥去之乃渡杜預曰王濟有

馬癖

曹植名都篇曰走馬長楸間

渾而止

渾不駕

上詳異產注韋少翁傳曰少

翁以列侯侍祀當晨入廟天雨淖不駕駟馬車而騎至廟下有司劾之數人皆削爵

塞上失

歧下亡

上詳馬二淮南子

秦穆公亡善馬歧下野人共得食之吏欲法之公曰君子不以畜害人

求林下

飲廄中

詩經爰喪其馬于以求之于林之下晉王尼為護軍府事王澄胡

母輔之等持羊酒訪之尼時給府養馬輔之等入坐於馬廄中炙羊飲酒醉飽不見護軍

自斬芻

不食粟

第五倫為會稽守自斬芻左傳季文子相魯馬不食粟

相失瘦養

獨肥

文子相馬失之瘦

漢書曰金日磾輸黃門養馬久之武帝游宴見馬後宮滿側日磾牽馬過獨不

竊視養又肥好

不蚤剪

果先鳴

禮大夫違乘髦馬不蚤剪謂不鑿也下詳馬二抱

朴子

始駕

右牽

學記始駕馬者反之車在馬前謂使見而調習之曲禮效馬效羊者右

牽執勒循軌少儀馬則執勒下詳泛駕注黑脊朱尾內則馬黑

脊而般臂漏音婁臭不可食左傳宋公子地有白馬四公取而朱其尾鬣以與向魋盟功臣

換愛妾漢高帝刑白馬而盟功反為駒可市駁

詩老馬反為駒擊鐘曳練漢張氏以馬醫擊鐘試可市駁下詳馬二韓詩外傳

齒色蹄噉齒歲也色毛也史記曰蹄噉千噉口也契需佶閑周禮

千里不契需傷倦也言其還官復卒漢時官假馬善御也詩既佶且閑每歲三而歸

及息十以率一注今人畜官牝馬三歲歸之十每還官一駒食貨志人有馬一匹復卒三人乘牝

牝養惡齧漢景時街巷阡陌馬成羣乘牝者不得聚會任安田仁俱為衛將軍舍人家貧

家監使養惡齧馬兩匹田仁竊言監不知人哉任安曰將軍尚不知何乃家監也

駸牝

馬

駢

詩駢牝三千

作廐

壞館

上詳馬二左傳孫弘為宰相開

漢書

以延賢人至公孫賀劉屈氂時壞以為馬廐

其風

非性

書馬牛其風勿敢越逐犬馬

非土性

用襍火

求唐肆

左傳宋火災用馬於四墉墉城也城陰氣故以襍用

肆莊子曰求馬於唐肆注肆非停馬之處言旋過去

行地

同阜

易牝馬地類行地无疆

漢書牛馬同阜

傷吻敝策

馳城飛塹

聖主得賢臣頌曰庸人之馭駕馬傷吻敝

策而不進下詳馬二曹瞞傳

若卹若失

載馳載驅

莊子徐無鬼相馬直者中

繩曲者中鈎方者中矩圓者中規是國馬也而未若天下馬天下馬有成材若卹若失下詩經

蕭

蕭馬鳴

駸駸載驟

俱詩經

分背相蹄

過門必騁

詳上

馬一莊子

左傳宋左師為已短策過華氏之門必騁

墜以折臂

好而市骨

羊祜字叔子人相其先墓當受命者祜斷其山岡相者曰雖斷其岡猶有折臂三公俄而墜馬折臂後位至三

公燕昭王以百金市駿骨人知好駿馬不遠千里而至

芻秣之式

銜轡之制

周禮太宰以九式均節財用曰芻秣之式式用也謂財之度數也芻秣養馬之米穀也荀子法言曰夫騏驥

古之良馬也然必有銜轡之制兼之鞭策之威加之造父之御然後日致千里

玄黃虺隤

駑駘款段

詩陟彼高岡我馬玄黃我馬虺隤隤注並病也

牧師

校人

周禮牧師掌牧地也

下詳馬一周禮

逐逐

肅肅

良馬逐逐下詳馬一風俗通

不問

有養

論語廋焚子退朝曰傷人乎不問馬又至於犬馬皆能有養

教駢

訓馬

周禮度人掌十有二閑之政教以阜馬佚特教駢攻駒注駢駒也教以調習

務滋

教擾

周禮

超越

陸梁

七命曰天驥之駿逸態超越下詳馬二朝野僉載

善

驚

盡疥

左傳慶氏之馬善驚

戀主

齧人

廐律畜生齧人者絆之躡人者截兩

耳

朱鬣

白顛

上詳朱尾注下詳馬一爾雅

八尺駢

千里駒

上詳馬一爾雅

中黃

至駿

枚乘七發曰鍾岱之牡齒至之駒前似飛鳥後類駉驥此天下

之至駿也

阜蕃

駒跳

楚辭曰當世豈無騏驎誠莫之能善御見執轡者非其人故駒跳而

速去

疲羸

蕃庶

晉康侯用錫馬蕃庶

在廐

伏阜

玉勒

金羈 龍媒 驥子 權奇 蹀躞 追風 逐日

凌空 照地 黃金絡 青絲鞵 規行矩步 奇毛

逸足 連錢之色 噴玉之聲 延首高驤 擢足軒

峙 浮軒華輶 連鑣並驅 駟駿 騰駒 增遺風

繞日

顏師古曰馬行疾每在風前故遺風於後洞冥記曰東方朔遊吉雲之地越扶桑之東得神

馬一匹高九尺股裏有旋毛如日月狀如月者夜光如日者晝光毛色如四時之變帝問朔曰是何獸也朔曰

昔西王母乘靈光之輦以適東王公之舍稅此馬於芝田而食芝草王公怒棄此馬於清津天岸臣至王公壇

因騎而返繞日三面此馬入漢關關門猶未掩臣於馬上睡不覺而至帝曰其名云何對曰因疾為名步影朔

當乘之如驚  
蹇之驢耳

閃電

逐星

隋書曰突厥大畏長孫晟  
聞其號聲號為霹靂見其

走馬稱為閃電  
柳宗元答問且夫白  
蟻綠耳之得康莊也逐奔星先飄風

渡江

陞甌

綱鑑晉世有五馬渡江一馬化為龍之謠  
爾雅駉蹄  
駉善陞甌注駉蹄如駉而健能上甌山也秦時有駉蹄

苑

月精

火畜

上詳馬一春秋考異郵  
曰馬稟火氣而生火不能生木故有

肝而無膽食其肝者死又曰午者馬之  
宮五行肝膽屬木木死於午故無膽也

毛龍

逸虎

上見蘇軾九馬圖贊  
傳休奕馳射馬賦曰耳  
小易使鼻大勢怒往來若鷹鷂超騰如逸虎

如鴨

象龍

唐書曰初大將李萬江春本退渾部李抱玉送  
回紇道太原從至潞州牧津梁寺地美水草馬

如鴨而健世所謂津梁種者歲入馬價數百萬  
世傳曰宣帝時至大宛得名馬象龍而還師古云言馬



形似

朱龍

紫燕

載記曰冉閔所乘赤馬曰朱龍日

馬有紫燕蘭

赤駝

黃鵠

宋名臣言行錄曰西夏有

曰赤駝

黃子曰駿馬有晨風黃

翠龍

鐵獺

揚雄

鵠皆取鳥名馬言疾走若飛也

乘翠龍而超河分陟西岳之嶢嶠師古云翠龍穆天子

所乘馬也

宋陸友仁研北雜志曰梅聖俞有馬名鐵

獺 玉腕 丹髦 荆南節度使衛伯玉有馬名玉腕

龜

茲居三十六國之中入其國見 黃耳 白額 穆天子

天驕龍驤腰裏丹髦萬計盈廡 魏時鮮卑獻千里馬白色而兩耳黃名曰黃耳 載記

曰武昭王嘗與呂光太史令郭曆及其同母弟宋繇

同宿屠起謂繇曰君當位極人臣呂君有國

取血

進肝

穆天子傳曰辛丑天子渴於沙行七萃之士高奔戎刺其左騂之頸取其清血以飲天子燕丹子

曰太子有千里馬荆軻謂太子曰千里馬肝美太子即進馬肝

生角

無尾

物異志曰漢文

時吳有馬生角右角三寸左角二寸三十國春秋西河張祚廢馬數十匹同時皆無尾未幾祚遭禍

食稼

噉鹽

淮南子曰孔子行道而息馬逸食人之稼野人取馬子貢請往說之畢辭野人不聽

乃使馬圉往說之野人解馬而與之元文宗時雲南行省言亦乞不薛之地牧馬歲給鹽以每月工寅日噉

之則俱無病也

吐珠

踏鐵

孔帖太和九年易定馬飲水吐珠因以獻之杜甫詩曰蹴

促蹄高如踏鐵

望火

驚帆

青箱雜記曰皇祐嘉祐中士人多馳驚請托一人號望火馬以

其奔趨未嘗暫息故也古今注曰曹真有駿馬名驚帆

頓塵

絕影

黃魯直有題李伯時

畫頻塵馬詩

魏書曰張繡降而復反曹操所乘馬名絕影為流矢所中

大鳥

小驢廣

妖亂志曰高駢有所愛馬死圉人懼得罪求救於呂用之用之乃入見駢曰隋將陳杲仁用之有事命之淮海

杲仁訴無馬令公大鳥且望一借頃刻廢吏報大鳥忽汗發駢徐應之曰吾以借陳司徒矣俄而告斃程史

曰金主完顏亮所

縑易

帛贖

張說監牧王毛仲頌德碑曰自貞觀訖於

乘小驢名小將軍

麟德四十年間至七十萬匹置八使以董之設四十八監以掌之於斯之時天下以一縑易一馬秦漢之盛未

始聞也

下詳

饋友

奉神

上詳馬二東觀漢記志怪曰晉明帝時有獻

馬二韓詩外傳

馬者夢河神請之及至與帝夢同即投河以奉神始太傅褚裒亦好此馬帝云已與河神及褚公卒軍人見云

乘此

助軍

給驛

孔帖李嗣業有宛馬十匹上於官以助軍李渤言驛馬多死憲宗

馬矣

詔出飛龍馬  
數百給畿驛

習拜

善鬪

上見後曹植表  
曰點夏斯古堅昆國也畜

馬至壯大以善  
鬪者為頭馬

解語

能言

異物志曰大宛馬有肉  
角數寸或有解人語及

知音舞與鼓節相應又西陽雜俎曰大  
食國馬解人語

下詳馬二瑞應圖

銜杯

立仗

景龍文館記曰中宗時殿中奏蹀馬之戲宛轉中律遇  
作樂者飲酒以口銜杯卧而復起吐蕃大驚譚賓錄

曰李林甫固寵市權謂補闕杜暹曰君等獨不見立  
仗馬乎終日無言而食三品芻豆一鳴則斥之矣

扣車

垂鞚

三國典畧曰齊馮子琮被執於省內以弓  
絃繫殺之使以庫車載其尸歸人無知者

子琮所乘之馬曳韁走以頭扣車狀如號哭見者異之  
異苑曰苻堅為慕容冲所襲堅馳騶馬墮澗追兵幾  
及計無所出馬即踟躕臨澗垂鞚與堅堅不  
能及馬又跪授馬堅攀之得登岸西走盧江  
躡柳

看花

文昌雜錄曰軍中以端午走馬謂之蹠柳

天寶

從執酒榼而從之遇好花樹下往來使僕

獻頌

製

曲文苑曰梁太清元年四月神馬出五月丁酉朔詔以

馬寶示羣臣簡文為皇太子獻頌

唐書樂志曰太

宗破竇建德乘馬名黃驄

上足

小步

南史曰梁武陵王紀在蜀

馬八千匹上足者置之內廐開寢殿以通之日落輒出

步馬西域傳曰西域出小步馬師古云即今所謂百

步千跡

三花

六印

名畫要錄曰開元天寶間多愛

者也

白樂天詩曰舞衣裁四葉馬鬣剪三花是也

唐六典

諸牧監凡在牧之馬皆印印右膊以小官字右髀以年

辰尾側以監名皆依左右廂若形容端正擬送尚乘不

用監名二歲始稱則量其力又以飛字印印其左髀膊

細馬次馬以龍形印其項左送尚乘者尾側依左右閑印以三花其餘雜馬送尚乘者以風字印印左膊以飛字印印左髀官馬賜人者以賜字印配諸軍及充傳送驛者以出字印並印左右類也

趨趨

鬱屈

韋馬趨趕以騰擲朝野僉載曰唐郎中  
張元一以唐波若矮短目為鬱屈蜀馬

小領

枝蹄

爾雅曰小領盜驪領項也又  
昆駘枝蹄跂言馬蹄如牛而平

銀杏黃

芝

元稹詩曰借騎銀杏葉注云學士初入例  
借飛龍馬清賞錄曰李白馬名黃芝

旋毛

反睫

梅聖俞碧雲騶序曰碧雲騶者廢馬也莊獻太后臨朝以賜荆王王惡其旋毛太后知之留以備上

閑為御馬第一世人以旋毛醜此以旋毛為貴雖貴矣病可去乎酉陽雜俎曰馬目赤睫亂及反睫白馬黑

目目白却視  
並不可騎

驕霜

駁馬

左傳馬駟注曰驢驘鳥也  
馬似之駮駟蕃大馬名

駮騶蕃大馬名也

驕音早

驛突

騏雄

刑法志曰漢俗已薄而行亮舜之刑是猶以轆而御驛突也

劉琬馬賦吾有駿馬名曰騏雄龍頭鳥目麟腹虎胸尾如雲鬃耳如挿筒

捷步

頻伽

瑞應

經曰佛生之日殿中白馬亦乳白駒曰捷步本起經曰其駒毛色純白駿驤貫珠名為塞持吳郡疏曰支道

林好馬其最愛者名曰頻伽嘗飲頻伽於橋下馬洩處忽生蓮花

玉面騂

錦膊驄

畫鑒曰曹霸人馬圖有紅衣美髯奚官飲玉面騂韓幹八馬圖有奚官二人引連錢驄燕支驕下詳馬二雲

煙過

望雲驄

忽雷駮

國史補曰德宗幸梁御馬望雲驄駕還飼以一品料暇日

牽而視之至必長鳴四顧若感恩狀人多圖之酉陽雜俎曰秦叔寶所乘馬號忽雷駮嘗飲以酒每於月明

中試能監越三領黑羶及胡公卒嘶鳴不食而死

九花虬

一丈鳥

杜陽編曰代宗

命御馬九花虬並紫玉鞭轡以賜郭子儀即范陽節度使李德山所獻額高九寸毛拳如鱗頭頸鬃鬣真虬龍也每一嘶則羣馬聳耳以身被九花文故名上往日出獵不覺日暮去行宮四十里上令連鞭九花虬綏然如三五里而已侍從奔驟無有及者真超光趣影之儔也 下詳馬二五代史 碧雲駮 王

逍遙

玉壺清話曰宋太宗御廐一馬名碧雲駮口旁有碧紋如雲駮格不甚高日行千里太宗甚愛後帝

上賓悲鳴不食真宗遣從靈輦至永熙陵數日乃斃詔瘞於桃花犬之旁 見聞錄曰仁宗御馬名玉逍遙色

白圉人云馬行有尺度疾徐皆中節御者行速則以足欄之一日燕王借乘即長鳴不行王怒還之帝以配南

城馬舖久之復

試蟻封

驚羸突

晉記曰王濟之叔

濟有所乘馬甚愛之湛曰此馬雖快然力薄不堪苦行近見督郵馬當勝此但芻秣不至耳平路無以別馬唯



當於蟻封試之濟馬果倒躓乃服韓子曰王子於期  
為趙簡王取道爭千里之表其始發也伏溝中王子於  
期齊轡筴而進之羸突窮則佚驚不前定公語曰魯  
出於溝中馬驚駕敗

顏回曰子亦知東野畢之善御乎對曰善則善矣其馬  
必佚後三日東野畢之馬佚兩騶曳兩服入於廐公召  
顏回曰吾子何以知之對曰馬窮則佚三國典畧曰  
西魏孝武索所乘波斯騶馬命太宰南陽王躍之將舉  
其鞍馬蹙而死曰宴還宮至畫圖訪執經求馬上詳  
後門馬驚不前捶之鞭折

符子朝野僉載曰尹神童每說伯樂令其子執馬經  
畫像以求馬出見大蝦蟇謂父曰得一馬畧與相同而  
不得具伯樂曰何也對曰其馬隆顛跌目脊郁縮但蹄  
不如果趨耳伯樂曰此馬相跳擲不堪御也子笑乃止

借學士害圉人

翰林志曰學士初入院賜馬一匹  
謂之長偕馬孔帖曰柳公綽廢

馬害圍人公綽令殺馬而祭之或曰  
良馬可愛曰安有良馬而害人乎

立吳山 投鵝

水 宋史曰金主乃密隱畫工於奉使中俾寫臨安湖山  
以歸為屏而圖己之像策馬於吳山絕頂題詩其上

有立馬吳山第一峯之句 呂氏春秋曰  
宋人有取道者其馬不進到而投之鵝水 于闐龍

越睽駿

元世祖時于闐國獻馬曰二龍一曰鳳頭二曰  
花滿川 南蠻傳曰越睽國之西多薦草產善

馬世稱越睽駿始生若羔歲中紐莎縻  
之飲以米瀋七年可御日馳數百里

飛越峰 撞

倒山

貴州志曰貴州養龍坑泓渟淵深靈物藏其下當  
春初放牝馬於岸已而雲物晦冥有物蜿蜒與馬

接必產龍駒元末夏明昇得一駿馬首高九尺長丈餘  
乘之如躡雲一塵不驚後以獻之賜名飛越峯 初政

錄曰尹堅洪武中以勇力為直殿將軍外國貢天馬名  
撞倒山奚官近之輒人立莫能鞍上以命堅堅立高樓

上使人引馬過其下投沙囊

主所惜

臣之師

志曰

曹彰偶逢駿馬愛之其主所惜也彰曰余有美妾可換惟君所選馬主因指一妓彰遂換之馬號白鶻鶴林

玉露曰唐明皇令韓幹觀御府所藏畫馬幹曰不必觀也陛下廢馬萬匹皆臣之師

在空谷

嘶冰原

毛詩曰皎皎白駒在彼空谷  
丞昭君詞曰冰原嘶代馱馱馬名庾中能盡力

能盡力

無留良

淮南子曰戎翟之馬皆可馳驅或遠或近惟造父能盡其力  
韓愈序曰伯樂一過冀北

之野而馬羣遂空伯樂知馬  
遇其良輒取之羣無留良焉

八坊

六廐

孔帖曰唐置八坊於

岐邠等四境有保樂甘露等坊  
又百官志左右仗廐

左曰奔星右曰內駒兩仗內又有六廐左飛右飛左萬

右萬東南  
內西北內

鰲眉駒

白口

駒

通鑑姚襄所乘馬曰鰲眉駒日行千里戰而馬

倒秦兵擒之 水經注曰老宿諺

綠耳梯 吉祥座

言赫連之世有駿馬名白口騮

騮

清異錄曰江南後主同氣宜春王從謙常春日遊宮中  
後圃妃侍觀桃花爛開意欲折而條高小黃門取綵梯  
獻時從謙乘駿馬擊毬乃引鞍至花底痛採芳菲顧謂  
嬪妾曰吾之綠耳梯何如 又曰吉祥座杜重威馬也

肉胡牀景  
延廣馬也

龍鱗虺尾

鳳膺麟身

柳宗元龍馬圖贊  
序曰明皇時靈昌

郡得異馬於河其狀龍鱗虺尾拳毛環目肉鬣居帝閑  
二十年從封禪郊籍和鑾者數十事後帝西幸馬至咸

陽西入渭水化為龍泳游去不知所終 載記曰符堅  
時大宛獻天馬千里駒皆汗血朱鬣五色鳳膺麟身悉

反之乃命羣  
臣作止馬詩

尾皆叱蓬

耳如批竹

孔帖光啟二年  
夏四月僖宗在

鳳翔馬尾皆叱蓬如簣叱怒貌  
也 杜甫詩頭上銳耳如批竹

非子善養 大丙能

御周孝王時惡來之後有非子者好馬善息養之王命  
御主馬汧渭之間馬大蕃息淮南子曰鉗旦大丙之  
御也除轡銜去鞵鞅得之赤岸充於黃門唐書曰  
馬莫使而自走也

隋馬三千於赤岸澤徙之隴右用太僕少卿張萬歲領  
羣牧自貞觀至麟德四十年馬七十萬六千匹漢書  
曰孝武之世間天馬葡萄則通大宛安息  
自是之後龍文魚目汗血之馬充於黃門千里將軍

四足仙人清異錄曰王昶傾金錢市名馬五匹各有  
位號曰金鞍使者千里將軍致遠侯渥洼

公驥國公又曰魯人東野賓王適吳至盱眙村店使  
僕夫糴米拾薪俱未來而馬已脫鞍解絡飽於芳草矣  
賈王羨歎曰綠耳公爾為赤蛇出鼻蒼蠅託髮靈  
四足仙人我是兩脚餓鬼

志曰陳安常乘一馬駿快非常後馬死雙赤蛇出其鼻  
漢張敞書曰蒼蠅之飛不過十步自託騏驎之髮乃

乘千里之路

蹄間三尋

足有二距

張儀曰秦馬之良探前跌後蹄間三尋

酉陽雜俎曰太宗十驥中決波駒者近後足有距走歷門三限不躋上尤惜之又老學庵筆記曰興國中靈州貢馬足有二距其後靈州陷於西戎宣和中

飲屈產泉

唐書曰吐火羅國有頗黎山南窟穴中有神馬繫此馬於其側時產名駒皆汗血焉

襄字記曰晉石樓有屈產泉相傳昔有白馬母飲茲泉生得龍駒春秋曰晉屈產之乘蓋此地生良馬也

桃文之乘

蒲梢之歌

韓非子曰延陵卓子乘蒼龍桃文之乘鉤飾在前錯綴在

後馬欲前則鉤飾禁之欲退則錯綴貫之馬因旁出因下抽刀而刎其脚造父過而為之泣涕史記樂書曰武帝伐大宛得千里馬名蒲梢乃

作歌西域贊注曰尾如蒲梢也

毛垂至地

聲若

頽山

洞冥記曰畢勒國有小馬如駒日行千里毛垂至地東王公嘗乘此馬朝發湯泉日飲虞淵一日一

夕往返七八度

沈約宋書曰鮮卑二子長曰吐谷渾

次曰若洛廐後二部俱牧馬

馬鬪相傷廐怒讓渾渾曰

鬪在馬而怒及人耶乖別甚易今當去汝萬里於是擁

馬西行廐悔悟遣舊父老及長吏追渾令還渾曰吾是

卑庶理無並大今以馬致別乃天所啟諸君試擁馬令

東馬若還東吾當相隨去即使二十騎遮馬令迴馬迴

不盈三百步欬然悲鳴西走

應範中圖 頽轡絕絆

聲若頽山如是者十餘回云

上見後謝莊舞馬賦 西河舊事曰漢武伐大宛得天

馬有角為奇故漢武賦天馬之歌胡馬感北風之思遂

頽轡絕絆驥首而馳晨發京城食時至燉煌北塞山下

嘶鳴而去因名其處為候馬亭今晉昌及馬蹄谷山上

馬跡若踐泥中 不疑驚良 能辨優劣 韓子曰廢齒

有自然之形

有自然之形 不疑驚良 能辨優劣 韓子曰廢齒

有自然之形

有自然之形 不疑驚良 能辨優劣 韓子曰廢齒

有自然之形

有自然之形 不疑驚良 能辨優劣 韓子曰廢齒

有自然之形

有自然之形 不疑驚良 能辨優劣 韓子曰廢齒

有自然之形

有自然之形 不疑驚良 能辨優劣 韓子曰廢齒

有自然之形

有自然之形 不疑驚良 能辨優劣 韓子曰廢齒

有自然之形

有自然之形 不疑驚良 能辨優劣 韓子曰廢齒

不能以別馬授車就駕而觀其末塗則臧獲不疑驚良  
集異記曰寧王方集賓客鬻馬牙人麴神奴者詣呈

二馬一索千緡一索五百寧王於堂中閱試如言付之  
座客視之不相上下莫測其價之懸殊即令鞭轡馳驅

往復數回謂座客曰辨其優劣否皆曰不知寧王指千  
緡者曰此馬緩急百返蹄下不起纖埃復指五百緡者

曰此馬往來十過足中頗生塵埃  
歷險超塹服軌

以此第其價之高下座客乃服  
就犁淮南子曰夫馬之為草駒之時跳躍揚蹄翹尾而  
走人不能制及至圉人擾之良御教之則雖歷險

超塹弗敢辭也鹽鐵論曰馬以代勞故行則  
伏輒止則就犁一馬伏櫪當中家六口之食噓天

陸野 屬山抉壑魏慕容紹宗檄梁境內曰虎班龍文  
之逸蘭池蒲梢之駟噓天陸野躡影

追風 柳宗元集曰晉國多馬四散恟恍開合萬狀喜  
者鵲鴈怒者人搏決然奔躍千里相角風髣霜鬣劇山



扶壑耳搖層雲腹捎衆木寂寞遠遊不夕而復

長尾風生

逸足電發

漢天歌

曰尾蕭梢兮朔風起蓋良馬尾之長者蕭梢然搖動可起朔風傳休奕乘輿馬賦曰劉備初降太祖賜之驄

馬使自至廐選之歷名馬數百莫可意者次之下廐有的顱委棄莫視瘦瘠骨立備獨撫而取焉衆咸笑之馬

超破蘇氏塢塢中有駿馬百餘匹自超以下爭取肥好者而將軍龐德獨取一騮馬形觀既醜衆亦笑之其後

備奔荊州超戰渭南逸足電發追不可逮衆乃服焉

七日超母

四游課駒

孟康

曰馱驥駿馬也生七日而超其母雅俗稽言曰牝馬稱課馬出唐六典凡馬四游而課課者計其駒犢也馬

之駒上旬生者行先母中旬生者行並母下旬生者行在母後

受精皎月

弄影星

河上張協七命

廣韻曰房駟之精降為驪驛絡黃金之羈浴天池之波鼓鬣雲衢弄影星河

擅

芻水之利

免跋涉之苦

韓子曰王子於期為駙駕轡

之利也然馬過於圃池也

獨異志曰唐韓幹善畫馬閑居之

際忽見一人黑冠朱衣而至曰吾鬼使也聞君善畫良

馬願賜一匹幹立畫焚之數日因出有人揖而謝曰蒙

君惠駿足免為山水跋涉之苦亦有以酬勞明日有人送素練百匹不知其來幹收而用之

聚如

花散如雪

鞍如山轡如組

張說牧監頌曰山崆峒兮

聚如花兮散如雪

劉禹錫文曰我策垂空我鑣方揚

振鬣軒昂儕如飛翔翹翹其雄也我鞍如山我轡如組


弭尾容與宛若孤處靡靡其柔也夷則沮洳高則嶮巖

虎咆空林撼鬪荒馗風雨孤征簡書之威俾予弗顧吾

馬焉依屑屑其

走險鹿駭

望雲龍驤



御定淵鑑類函卷四百三十三

# 欽定四庫全書

子部

御定淵鑑類函卷四百三十四

詳校官鴻臚寺少卿臣梁業陽

主事臣祁韻士覆勘

總校官進士臣繆琪

校對官中書臣張曾效

謄錄監生臣唐涇

欽定四庫全書

御定淵鑑類函卷四百三十四

獸部六

駃馬

駃駃

馬四

原六種

六種之馬

六繫

周禮六繫為一僕夫

不利於主

載記曰

的盧殷浩以不利於主勸賣之亮曰已所不欲勿施於人

不鬻於市

庾亮有蹄

鬻者恐傷人不鬻於市

步馬

左傳左師見夫人步馬者而問之注云謂調習也

習馬

貳師至燉煌拜習馬二人為駃馬校尉以破宛擇取善馬

翰如

易白馬

班如

馬班

減穀食

漢詔水旱令太僕減穀食馬

齊飲食

周禮趣馬掌贊王馬而齊

其飲

絕足選

駿足

良馬駿足

交易有無

有質其無

人馬

相得

詳馬三過都注

季春遊牝

月令季春乃合累牛騰馬遊牝于牧犧牲駒犢舉書其數

注騰馬躍馬也遊北于放北之所也

仲夏別羣

月令仲夏遊北別群

孟春焚牧

焚陳草也

仲春通淫

合牝壯也

帷裏

左傳曰魯昭公乘馬啟服整而死公將為之櫛

子家曰從者病矣請以食之乃以帷裏

帷埋

禮敝帷不棄為埋馬也

馬牲

周禮以馬

祭

馬訟

周禮謂賣買之言相負也

磨自給

許靖字文林不得齒敎以馬磨自給

販自業

後漢吳漢字子顏亡命以販馬自業

牧圉

左傳誰捍牧圉

牧事

增

逸不能止

左傳成公二年六月齊侯與卻克戰於鞏卻克馬逸不能止從之齊師敗績

動

不可禁

呂氏春秋曰飢馬盈廐漠然未見芻也見則動不可禁

仗內六閑

百官志武

后萬歲通天元年置仗內六閑一曰飛龍二曰祥麟三曰鳳苑四曰鵷鷺五曰吉良六曰出群

宮門

八馬

飛龍廐日以八馬列宮門之外號南衙立仗馬

不觸木

說林訓曰狂馬不觸木雖聾蟲

而不自陷又况人乎

不須鞭

致虛雜俎曰西域有獸如犬含水喫馬目則馬瞑眩欲死故凡馬皆

畏之名曰馬見愁宣宗時國人獻其皮帝賜羣臣編為馬鞭一揚即走謂之不須鞭

青海驄

舊唐

書曰吐谷渾有青海周圍千餘里中有小山其俗至冬輒放牝馬于其上言得龍種嘗得波斯馬放入海內

因生驄駒日行千里

綠野馬

五代史回紇出綠野馬

護蘭馬

故特稱青海驄馬

酉陽雜俎曰護蘭馬  
白馬也亦曰玉面

撒豆驄

廣異記曰唐鄭馴  
有馬曰撒豆驄

驛

馬駑馬

埤雅曰馬之族不一而驛馬則喜前駑馬則喜  
後故古之御者駑馬以鞭為主驛馬以轡為主

細馬麓馬

六典曰凡馬有左右監以列其麓良以數  
紀為名而著其簿籍細馬之監稱左麓馬

之監  
稱右

健馬

杜牧傳曰山東產健  
馬下者日馳二百里

快馬

通鑑快馬健  
兒不如老婢

吹麓  
一馬八十年

朝野僉載曰德州刺史張訥之一馬  
白其色如練父雄為數州刺史嘗乘

之其兄敬之為考功郎中改壽州刺史又乘之及訥之  
從給事中改德州刺史入為國子祭酒出為常州刺史

其馬猶在計八十年  
餘極肥健驟脚不散

一里更二馬

馬僻記曰校書郎  
李蟠畜馬甚多出

遊則一里更二馬人  
借供應可逮十家

籍馬

左傳賦車籍馬籍疏其  
毛色歲齒以備軍用也



閱馬

宋太宗至道元年御崇政殿閱麒麟院所進馬仁宗明道二年正月御端明殿閱馬又明制元旦大

宗伯執事官中極殿行禮畢奏曰請上看馬朝畢御馬監從會極門引馬入中左門

貫馬

汲黯傳曰

縣官無錢從民貫馬

騙馬

雅俗稽言曰唐武宗懿將兵遇敵而遁語曰長弓度短箭蜀馬臨塔騙言

蜀馬既低小而又臨塔為高乃能躍上也通典曰武舉制土木馬千里間間教人習騙謂躍上馬也

馬

化人

綱鑑周宣王三十年有馬化為人

馬生人

洪範五行傳曰秦孝公二十一年傳有馬

生人非其類也必有非姓者後以呂易羸此非姓也又後漢書曰光和元年京師馬生人京房易傳曰諸侯好

伐厥妖馬生人

變人面

拾遺記曰劉安河中人也能通鬼道未來之事河間人趙廣家槽上馬忽

變作人面大驚問安安曰此大惡也宜去家三里披髮大叫即可免之廣如其言合家走出堂屋崩倒不損一

人

作人語

北夢瑣言曰路巖成都移渚宮所乘馬忽作人語且曰蘆荻花此花開後路無人

海馬

徐鉉至飛虹橋馬不進裂斷轡僧贊寧曰下必有海馬骨水火不能毀惟腐糟能毀果得巨獸

骨積薪三日焚不毀以糟漚之遂爛

水馬

山海經曰滑水中多水馬如馬而文臂牛尾其音如呼

玉馬

臧榮緒晉書曰新蔡王騰發於并州至常山之真定縣遇大雪平地數丈雪融不積怪而掘之

得玉馬高尺許上表獻之渚宮故事曰宋沈攸之為

荊州刺史廡中有羣馬每夜輒騰擲驚嘶攸之令人于

櫪邊伺之見一白駒以綠繩縛腹起軼如飛掩之不及

視廡猶闔蹢入閣內問內人惟愛妾馮月華臂上玉馬

以綠繩穿之臥輒置枕下夜或失所在旦璞馬尸子

則如故視其蹄果有泥跡後不知所在

言君天下者騏驎青銅馬酉陽雜俎曰孝億國界有

龍而堯素車璞馬一銅馬國人言自天而下

屈前足在室中後足入土自古數有穿視竟不及其蹄  
每歲自烏澣河中有馬出其色如金與此馬嘶鳴相應  
俄復入水存心錄曰宋高宗二十六年城都郾縣  
地出銅馬高三尺工制甚精中宵風雨忽聞嘶聲

石馬

錄曰昭陵石刻六駿也金石  
錄曰潼關之役備體流汗

泥馬

葛洪神仙傳曰  
章震號王子能

以泥作馬日行千里唐馬總大唐奇事曰京洛富人  
王武者媚於豪貴忽知有人貨駿馬遂急令人多與金  
帛于衆中爭得之其馬白色如一團美玉其鬃尾赤如  
朱馳驟之駛非常馬得及王武將以獻大將軍薛公乃  
設以金鞍玉勒間之珠翠方伺其便達意也其馬忽於  
廐中大嘶一聲後化為一泥塑之馬立焉武大驚訝遂  
焚毀之南渡錄曰康王徽宗第九子質于金間道奔  
竄倦息崔府君廟夢神人曰金人追騎且至王宜速去  
已備馬門前候矣王驚覺馬已在側王躍馬南馳一  
日行七百里河既渡而馬不前下視之乃泥馬也

竹馬

郭伋遷并州牧行部到西河有兒童數百各騎竹馬於道路迎拜

紙馬

閑窓括異志曰

三山曾先生陟嘗寓館於陳氏七載音信不通夏月獨處一室有道人自吳山來謂之曰子思鄉之切何不少

歸陟曰水陸三千里幾時得到道人剪紙為馬令合眼上馬以水啖之其疾如飛祝曰汝歸不可久留須臾到

家門戶如舊妻令入浴易新衣陟曰吾便去妻曰纔歸便去何不念父母妻子乎陟便上馬而行所騎馬足折

驚寤乃身在書館中隨身衣服皆新製者道人亦不見惟留一藥籃中有詩云一騎如龍送客歸銀驄綠耳步

相隨佳人未許輕分別不是仙翁那得知

馬鬼

抱朴子曰按九鼎記及青靈經言人物之死俱有鬼

也馬鬼嘗以晦夜出行狀如炎火

馬寶

起世經曰轉輪王有紺馬之寶名婆羅訶色青體尾毛悅

澤頭黑髮披有神通力騰空而行日初出時乘此馬寶周流大地還至本宮乃始進食

馬五

原詩漢武帝伐大宛得千里馬名蒲梢作歌曰天馬徠

兮從西極經萬里兮歸有德承靈威兮降外國涉流沙

兮四夷服 漢天馬歌曰太乙貺天馬下沾赤汗沫流

赭志倣儻精權奇

音躡

浮雲掩上馳體容與

迤與勵同超越

也 萬里今安匹龍為友 又曰天馬來從西極涉流沙

九夷服天馬來歷無阜徑千里循東道天馬來開遠門

竦予身逝崑崙天馬來龍之媒遊閭闔觀玉臺 古歌

詩曰平陵東松柏桐不知何人劫義公義公在高堂下

交錢百萬兩走馬 晉劉恢詩曰東臯有一駿名曰千

里駒駱首纏駿尾養以甘露芻 梁簡文帝西齋行馬

詩曰晨風白金絡桃花紫玉珂影斜鞭照曜塵起足蹉

跎任俠稱六輔輕薄出三河風吹鳳皇袖日映織成靴

遠江艫舳少遙山煙霧多雲開瑪瑙葉水靜琉璃波廣

路拂青柳迴塘繞碧莎不効孫吳術寧須趙李過 又

紫騮馬詩曰賤妾朝下機正值良人歸青絲懸玉鐙朱

汗染香衣驟急珂彌響跳多塵亂飛雕胡幸可薦故心  
君莫違 又繫馬詩曰青驪流赭汗綠地懸花蹄未垂  
青鞵尾猶挂紫障泥蹠足絆中憤搖頭櫪上嘶紫關如  
未息直云取榆谿 又登山馬詩曰登山馬間樹識金  
裝草合宜羈短影轉見鞭長何殊八公岫暫上淮南王  
又和人愛妾換馬詩曰功名幸多種何事苦生離誰  
言似白玉定是愧青驪必取匣中釧迴作飾金羈真成  
恨不已願得路旁兒 梁武帝賦登山馬詩曰登山馬

遥遥小小馬纔通汗赭疑沾勒衣香不逐風何殊隴頭

望遙識祁連東 又後園看騎馬詩曰良馬出蘭池連

翩驅桂枝鳴珂隨跼駛輕塵逐影移香來知驟近汗歛

覺風吹遙望黃金絡懸識幽并兒 又紫騮馬詩曰長

安美少年金絡飾連錢宛轉青絲鞵照耀珊瑚鞭依槐

復依柳蹀躞復隨前方逐幽并去西北共連翩 劉孝

威和王竟陵愛妾換馬詩曰驄馬出樓闌一步九盤桓

小史續金絡良工送玉鞍龍驂來甚易烏孫去實難麟



膠妾猶有請為急絃彈 庾肩吾愛妾換馬詩曰渥水

出騰駒湘川實應圖來從西北道去逐東南隅琴聲悲

玉匣山路泣靡蕪似鹿將含笑千金會不俱 增張率

走馬引曰良馬龍為友玉珂金作羈馳驚宛與洛半驟

復半馳倏忽而千里光景不及移九方惜未見薛公寧

所知欽轡且歸去吾畏路旁兒 車敕驄馬詩曰驄馬

鏤金鞍柘彈落金丸意欲驂驪走先作野遊盤平明發

下蔡日中過上閘路遠行須疾非是畏人看 陳後主

紫騮馬詩曰嫖姚紫塞歸蹀躞紅塵飛玉珂鳴廣路金

絡耀晨輝蓋轉時移影香動屢驚衣禁門猶未閉連騎

恣相追 原劉刪賦得馬詩曰獨飲臨寒窟離羣思北

風陳王欲觀舞御史自隨驄邊聲隕客淚果下益桃紅

恒持沛艾影解向平陵東 沈炯賦得邊馬有歸心詩

曰窮秋邊馬肥向塞甚思歸連鑣渡蒲海束舌下金徽

已却魚麗陣將摧鶴翼圍彌憶長楸道金鞭背落暉

增又詠老馬詩曰昔日從戎陣流汗幾東西一日馳千

里三丈拔深泥渡水頻傷骨翻霜屢損蹄勿言年齒暮

尋途尚不迷 原祖孫登賦得紫騮馬詩曰候騎極樓

蘭長城迴路難嘶從風處斷骨往水中寒飛塵暗金勒

落淚灑銀鞍抽鞭上關路誰念客衣單 王由禮賦得

驄馬詩曰善馬金羈飾躡影復凌空影入長城水聲隨

胡地風鞚飲青門外珂喧紫陌中行行若不倦唯當御

史驄 增傳緯天馬引詩曰驄色表連錢出冀復來燕

取用偏開地為歌乃號天權奇意欲遠蹀躞勢難前本

珍白玉鐙因飾黃金鞭願酬芻秣寵千里得千年 徐

陵紫騮馬詩曰玉鐙繡纏繫金鞍錦覆幪風驚塵未起

草淺埒猶空角弓連兩兔珠彈落雙鴻日斜馳逐罷連

翩還上東 陳暄紫騮馬詩曰天馬汗如紅鳴鞭度九

峻飲傷城下凍嘶依北地風茄寒芳樹歇笛怨柳枝空

橫行意未已羞往轂車中 張正見紫騮馬詩曰將軍

入大宛善馬出從戎影入乾河上聲流水窟中似鹿猶

依草如龍欲向空須還十萬里試為一追風 又君馬

黃詩曰幽并重騎射征馬正盤桓風去嘶聲遠冰堅度  
足寒出關聊變色上坂屢停鞍即今隨御史非復在樓  
蘭 又曰五色乘黃馬追風時滅沒血汗染龍花雕鞍  
抱秋月唯騰渥洼水不飲長城窟詎待燕昭王千金市  
駿骨 又飲馬長城窟詩曰秋草朔風驚飲馬出長城  
羣驚還怯飲地險更宜行傷冰飲凍足畏冷急寒聲無  
因度吳坂方復入羌城 蔡君知君馬黃詩曰君馬經  
西極臣馬出東方策舉浮雲影珂連明月光水凍寒傷

骨蹄寒為踐霜躑躅嗟伏檻空想欲從良 北周尚法

師飲馬長城窟詩曰長城征馬度橫行且勞群入冰穿

凍水飲浪聚流文澄鞍如清月照影若流雲別有長松

氣自解逐將軍 隋庾抱驄馬詩曰檻上浮雲驄本出

吳門中發跡來東道長鳴起北風迴鞍拂柱白赭汗類

塵紅滅沒徒留影無因圖漢宮 原唐太宗文皇帝詠

飲馬詩曰駿骨飲長涇奔流灑絡纓細文連噴聚亂荇

繞蹄紫水光鞍上側馬影溜中橫翻似天池裡騰波龍

種生 楊師道詠飲馬應詔詩曰清晨控龍馬弄影出  
花林蹀躞依春澗聯翩度碧潯苔流染絲絡水潔寫雕  
簪一御瑤池駕詎憶長城陰 又詠馬詩曰寶馬權奇  
出未央雕鞍照曜紫金裝春草初生馳上苑秋風欲動  
戲長楊鳴珂屢度章臺側細蹀輕向濯龍傍徒令漢將  
連年去宛城今已獻名王 增李嶠詠馬詩曰天馬本  
來東嘶驚御史驄蒼龍遙逐日紫燕迴追風明月來鞍  
上浮雲落蓋中得隨穆天子何假唐成公 薛曜舞馬

篇曰星精龍種競騰驤  
雙眼黃金紫豔光一朝逢遇昇  
平代伏阜銜圖事帝王  
我皇盛德苞六羽俗泰時和虞  
石拊昔聞九代有餘名  
今日百獸先來舞鉤陳周衛儼  
旌旄鐘鐃陶匏聲殷地承雲嘈囋駭日靈調露鏗鉉動  
天駟奔塵飛箭若麟螭躡景追風忽見知咀銜拉鐵並  
權奇被服雕章何陸離紫玉鳴珂臨寶鐙青絲綵絡帶  
金羈隨歌鼓而電驚逐九劔而飈馳態聚踣還急驕凝  
驟不移光獻白日下氣擁綠煙垂宛轉盤跚殊未已懸



空步驟紅塵起驚鳬翔鷺不堪儔矯鳳迴鸞那足擬衛  
垂桂裊香氤氲長鳴汗血盡浮雲不辭辛苦來東道祇  
為簫韶朝夕聞閭闔間玉臺側承恩煦兮生光色鸞鏘  
鏘車翼翼備國容兮為戎飾充雲翅兮天子庭荷日用  
兮情無極吉良乘兮一千歲神是得兮天地期太易占  
云南山壽趨趨共樂聖明時 喬知之羸駿篇曰噴玉  
長鳴西北來自言當代是龍媒萬里鐵關行入貢九重  
金闕為君開蹀躞朝馳過上苑趨趨暝走發章臺玉勒

金鞍荷裝飾路傍觀者無窮極小山桂樹比權奇上林  
桃花況顏色忽聞天將出龍沙漠主持將駕鼓車去去  
山川勞日夜遙遙關塞斷煙霞山川關塞十年征汗血  
流離赴行營肌膚銷遠道膂力盡長城長城日夕苦風  
霜中有連年百戰場搖珂啣勒金羈盡爭鋒足頓鐵菱  
傷垂耳罷輕齋棄置在寒溪大宛蒲海北滇壑舊崖西  
沙平留緩步路遠聞頻嘶從來力盡君須棄何必尋途  
我已迷歲歲年年奔遠道朝朝暮暮催疲老扣冰晨飲

黃河源拂雪夜食天山草楚水檀溪戰征事吳塞烏江  
辛苦地特來報主不辭勞宿昔立功非重利丹心素節  
本無求長鳴向君君不留祇應澶漫歸田里萬里低昂  
任生死君王倘若不見遺白骨黃金猶可市 沈佺期  
驄馬詩曰西北五花驄來時道向東四蹄碧玉片雙眼  
赤金瞳鞍上留明月嘶間動朔風借君馳沛艾一戰取  
雲中 又紫騮馬詩曰青玉紫騮鞍驕多影屢盤荷君  
能剪拂躩蹀噴桑乾踠足追奔易長鳴遇賞難撻金一

萬里霜露不辭寒 張說舞馬詞曰萬玉朝宗鳳宸千

金率舞龍媒盼鼓凝嬌蹀躞聽歌弄影徘徊 又曰天

鹿遙徵衛叔日龍上借羲和將共兩驂爭舞來隨八駿

齊歌 又曰綵旄八佾成行時龍五色因方屈膝銜杯

赴節傾心獻壽無疆 又曰帝阜龍駒沛艾星蘭驥子

權奇騰倚驤洋應節繁驕接迹不移 又曰二帝先天

合德群靈率土可封擊石駟驂紫燕撻金顧步蒼龍

又曰聖君出震應錄神馬浮河獻圖足踏天庭鼓舞心

將帝樂踟躕 又舞馬千秋萬歲樂府詞曰金天誕聖

千秋節玉體還分萬壽觴試聽紫駟歌樂府何如綠驥

舞華場連騫勢出魚龍變蹀躞嬌生鳥獸行歲歲相傳

指樹日翩翩來伴慶雲翔 又曰聖皇至德與天齊天

馬來儀自海西腕足徐行拜兩膝繁驕不進踏千蹄髯

鬣奮鬣時蹲踏鼓怒驤身忽上躋更有銜杯終宴曲垂

頭掉尾醉如泥 又曰遠聽明君愛逸才玉鞭金翅引

龍媒不因茲白人間有定是飛黃天上来影弄日華相

照耀噴含雲色且徘徊莫言闕下桃花舞別有河中蘭

葉開 李白天馬歌曰天馬來出月氏窟背為虎文龍

翼骨嘶青雲振綠髮蘭筋權竒走滅沒騰崑崙歷西極  
四足無一蹶雞鳴刷燕晡秣越神行電邁躡恍惚天馬  
呼飛龍趨目明長庚臆雙鳬尾如流星首渴烏口噴紅  
光汗溝珠曾陪時龍躡天衢羈金落月照皇都逸氣稜  
稜凌九區白壁如山誰敢沾回頭笑紫燕但覺爾輩愚  
天馬奔戀君軒駮躍驚矯浮雲翻萬里足躑躅遙瞻閭

闔門不逢寒風子誰採逸景孫白雲在青天丘陵遠崔  
嵬鹽車上峻坂倒行逆施畏日晚伯樂剪拂中道遺少  
盡其力老棄之願逢田子方惻然為我悲雖有玉山未  
不能療苦飢嚴霜五月凋桂枝伏櫪銜冤摧兩眉請君  
贖獻穆天子猶堪弄影舞瑤池 又紫駟馬詩曰紫駟  
行且嘶雙翻碧玉蹄臨流不肯渡似惜錦障泥白雪關  
山遠黃雲海戍迷揮鞭萬里去安得念春閨 萬楚驄  
馬詩曰金絡青驄白玉鞍長鞭紫陌野遊盤朝驅東道

塵恒滅暮到河源日未闌汗血每隨邊地苦蹄傷不憚

隴陰寒君能一飲長城窟為報天山行路難 賈至白

馬詩曰白馬紫連乾嘶鳴丹闕前聞珂自蹀躞不要下

金鞭 岑參衛節度赤驃馬歌曰君家赤驃畫不得一

團旋風桃花色紅纓紫鞵珊瑚鞭玉鞍錦韉黃金勒請

君韉出看君騎尾長窄地如紅絲自矜諸馬皆不及却

憶百金新買時香街紫陌鳳城內滿城見者誰不愛揚

鞭驟急白汗流弄影行驕碧蹄碎紫髯胡雛金剪刀平



明剪出三駿高櫪上看時獨意氣衆中牽出偏雄豪騎  
將獵向南山口城南狐兔不復有草頭一點疾如飛却  
使蒼鷹翻向後憶昨看君朝未央鳴珂擁蓋滿路香始  
知邊將真富貴可憐人馬相輝光男兒稱意得如此駿  
馬長鳴北風起待君東去埽邊塵為君一日行千里

杜甫高都護驄馬行曰安西都護胡青驄聲價歎然來  
向東此馬臨陣久無敵與人一心成大功功成惠養隨  
所致飄飄遠自流沙至雄姿未受伏櫪恩猛氣猶思戰

場利腕促蹄高如踣鐵交河幾蹴層冰裂五花散作雲  
滿身萬里方看汗流血長安壯兒不敢騎走過掣電傾  
城知青絲絡頭為君老何由却出橫門道 又驄馬行  
曰鄧公馬癖人共知初得花驄大宛種夙昔傳聞思一  
見牽來左右神皆竦雄姿逸態何齒萃顧影驕嘶自矜  
寵隅目青熒夾鏡懸肉駿礪暑連錢動朝來少試華軒  
下未覺千金滿高價赤汗微生白雪毛銀鞍却覆香羅  
帕卿家舊物公能取天廐真龍此其亞晝洗湏騰涇渭

深夕趨可刷幽并夜吾聞良驥老始成此馬數年人更  
驚豈有四蹄疾於鳥不與八駿俱先鳴時俗造次那得  
致雲霧晦冥方降精近聞下詔宣都邑肯使麒麟地上  
行 又玉腕騮詩曰聞說荆南馬尚書玉腕騮頓驂飄  
赤汗跼躅顧長楸敵騎三年入乾坤一戰收舉鞭如有  
問欲伴習池遊 又李鄠縣丈人駿馬行曰丈人駿馬  
名胡騮前年避兵過金牛迴鞭却走見天子朝飲漢水  
暮靈州自矜胡騮奇絕代乘出千人萬人愛一聞說盡

急難材轉益愁向駑駘輩頭上銳耳披秋竹脚下高蹄  
削寒玉始知神龍別有種不比俗馬空多肉洛陽大道  
時再清累日喜得俱東行鳳臆龍髻未易識側身注目  
長風生 又房兵曹胡馬詩曰胡馬大宛名鋒稜瘦骨  
成竹批雙耳峻風入四蹄輕所向無空闊真堪托死生  
驍騰有如此萬里可橫行 又沙苑行曰君不見左輔  
白沙白如水繚以周牆百餘里龍媒昔是渥洼生汗血  
今稱獻於此苑中騾牝三千匹豐草青青寒不死食之

豪健西域無每歲攻駒冠邊鄙王有虎臣司苑門入門  
天驥皆雲屯驕驕一骨獨當御春秋二時歸至尊至尊  
內外馬盈億伏櫪在圻空大存逸羣絕足信殊傑倜儻  
權奇難具論累累埶阜藏奔突往往坡陀縱超越角壯  
翻同麋鹿遊浮深播蕩龜鼉窟泉出巨魚長比人丹砂  
作尾黃金鱗豈知異物同精氣雖未成龍亦有神 又  
秦州雜詩曰南使宜天馬由來萬匹彊浮雲連陣沒秋  
草徧山長聞說真龍種仍殘老驕驕哀鳴思戰鬥迴立

向蒼蒼 又遣興詩曰地用莫如馬無良復誰記此日

千里鳴追風可君意君看渥洼種態與駑駘異不雜蹄  
齧間逍遙有能事 韓翃羽林騎詩曰駿馬牽來御柳

中鳴鞭欲向渭橋東紅蹄亂踏春城雪花領驕嘶上苑  
風 又看調馬詩曰鴛鴦赭白齒新齊晚日花中散碧  
蹄玉勒乍回初噴沫金鞭欲下不成嘶 周存西戎獻  
馬詩曰天馬從東道皇威被遠戎來參八駿列不假貳  
師功影別流沙路嘶流上苑風望雲時蹀足向月每爭

雄稟異才難狀標奇志豈同馳驅如見許千里一朝通  
張仲素天馬詩曰天馬初從渥水來郊歌曾唱得龍  
媒不知玉塞沙中路苜蓿殘花幾處開 又曰蹀躞宛  
駒齒未齊縱金噴玉向風嘶來時行盡金河道獵獵輕  
風在碧蹄 韓愈入關詠馬詩曰歲老豈能充上駟力  
微當自慎前程不知何故翻驤首牽過關門妄一鳴  
又駑驥詩曰駑駘誠齷齪市者何其稠力小若易制價  
微良易酬渴飲一斗水飢食一束芻嘶鳴當大路志氣

若有餘騏驎生絕域自矜無匹儔牽驅入市門行者不  
為留借問價幾何黃金比嵩丘借問行幾何咫尺視九  
州飢食玉山禾渴飲醴泉流問誰能為御曠世不可求  
惟昔穆天子乘之極遐遊王良執其轡造父扶其輶因  
言天外事茫惚使人愁駑駘謂騏驎餓死余爾羞有能  
必有用有德必見收孰云時與命通塞皆有由騏驎不  
敢言低徊但垂頭人皆劣騏驎共以駑駘優喟余獨興  
歎才命不同謀寄詩同心子為我商聲謳 又賀張十



八秘書得裴司空馬詩曰司空遠寄養初成毛色桃花  
眼鏡明落日已曾交轡語春風還擬並鞍行長令奴僕  
知飢渴須著賢良待性情旦夕公歸伸拜謝免勞騎去  
逐雙旌 張籍謝裴司空寄馬詩曰綠耳新駒駿得名

司空遠自寄書生乍離華廡移蹄澀初到貧家舉眼驚  
每被閑人來借問多尋古寺獨騎行長思歲旦沙堤上  
得從鳴珂傍火城 白居易和張十八秘書謝裴相公  
寄馬詩曰齒齊臙足毛頭膩秘閣張郎叱撥駒洗了頤

花翻假錦走時蹄汗踏真珠青衫乍見曾驚否紅粟難  
賒得飽無丞相寄來應有意遣君騎去上雲衢 又公

垂尚書以白馬見寄光潔穩善以詩謝之曰翩翩白馬  
稱金羈頷綴銀花尾曳絲毛色鮮明人盡愛性靈馴善  
主偏知免將妾換慙來處試使奴牽欲上時不蹶不驚  
行步穩最宜山簡醉中騎 李賀馬詩曰龍脊貼連錢  
銀蹄白踏煙無人識錦韉誰為鑄金鞭 又曰臘月草  
根甜天街雪似鹽未知口硬輒先礙蒺藜街 又曰忽

憶周天子驅車上玉山鳴騶辭鳳苑赤驥最承恩 又

曰此馬非凡馬房星本是星向前敲瘦骨猶是帶銅聲

又曰大漠沙如雪燕山月似鉤何當金絡腦萬里踏

清秋 又曰飢臥骨查牙麤毛刺破花鬣焦朱色落髮

斷鋸長麻 又曰西母酒將闌東王飯已乾君王若燕

去誰為拽車轅 又曰赤兔無人用當須呂布騎吾聞

果下馬羈策任蠻兒 又曰颼叔去匆匆如今不養龍

夜來霜壓棧駿骨折西風 又曰催榜渡烏江神騅泣

向風君王今解劒何處逐英雄 又曰內馬賜宮人銀

韉刺麒麟午時鹽坂上蹲踏溘風塵 又曰批竹初攢

耳桃花未上身他時須攬陣牽去借將軍 又曰寶玦

誰家子長聞俠骨香堆金買駿骨將送楚襄王 又曰

香襖赭羅新盤龍蹙鐙鱗迴看南陌上誰道不逢春

又曰不從桓公獵何能伏虎威一朝溝壑出看取拂雲

飛 又曰唐劒斬隋公拳毛屬太宗莫嫌金甲重且去

捉飄風 又曰白鐵剉青禾碓間落細莎世人憐小頸

金埒畏長牙 又曰伯樂向前看旋毛在腹間祇今培

白草何日驀青山 又曰蕭寺駝經馬元從竺國來空

知有善相不解走章臺 又曰重圍如燕尾寶劒似魚

腸欲求千里脚先采眼中光 又曰暫繫騰黃馬仙人

上綵樓須鞭玉勒吏何事摘高州 又曰武帝愛神仙

燒金得紫煙殿中皆肉馬不解上青天 又曰汗血到

王家隨鸞撼玉珂少君騎海上人見是青驪 白行簡

歸馬華山詩曰牧野功成後周王戰馬閑驅馳休伏阜

飲翫任依山逐日朝仍去隨風暮自還冰生疑隴坂葉  
落似榆關蹀躞仙峰下騰驤渭水灣幸逢時偃武不復  
鼓輦間 徐仁嗣天驥呈材詩曰至德符天道龍媒應  
聖明追風奇質異噴玉彩毛輕蹀躞形難狀連拳勢乍  
呈効才矜逸態絕影表殊名岐路寧辭遠關山豈憚行  
鹽車雖不駕今日亦長鳴 盧征天驥呈材詩曰異產  
應堯年龍媒順制牽權奇初得地蹀躞欲行天詎假調  
金埒寧須動玉鞭嘶風深有戀逐日定無前周滿誇常

御燕昭恨不傳應知流赭汗来自海西偏 鄭蕢天驥  
呈材詩曰毛骨合天經拳奇步驟輕曾邀千闥駕新出  
貳師城噴勒金鈴響追風汗血生酒亭留去跡吳坂認  
嘶聲力可通衢試材堪聖代呈王良如顧盼垂耳欲長  
鳴 紀唐夫驄馬詩曰連錢出塞踏沙蓬豈比當時御  
史驄逐北自諳深磧路連嘶誰念靜邊功登山每與青  
雲合弄影應知碧草同今日承平將換妾不如羅袖舞  
春風 喻鳧浴馬詩曰解鞚復收鞍長津渡細漣空蹄

沈綠玉濶臆沒連錢沫旋橋聲下嘶盤柳影邊常聞票  
龍性固與白波便 陳凝詠馬詩曰未明龍骨駿幸得  
到神州自有千金價寧忘伯樂酬雖知殊款段莫敢比  
驊騮若遇追風便當軒一舉頭 韓琮詠馬詩曰曾經  
伯樂識長鳴不似龍行不敢行金埒未登嘶若是鹽車  
猶駕瘦何驚難逢王濟知音癖欲就燕昭買駿名早晚  
飛黃引同阜碧雲天上作驚聲 韋莊寄馬詩曰驅馳  
曾在五侯家見說初生在渥洼髮白似披梁苑雪頸肥



好撲杏園花休嫌綠綬嘶貧舍好着紅纓入使衙穩上  
雲衢千萬里年年長踏魏堤沙 翁綬白馬詩曰渥洼  
龍種雪霜同毛骨天生膽氣雄金埒乍調光照地玉關  
初別遠嘶風花明錦襜垂楊下露濕朱纓細草中一夜  
羽書催轉戰紫髯騎出佩驛弓 平曾獻薛僕射繫白  
馬詩曰白馬披髮練一團今朝被絆欲行難雪中放去  
空留跡月下牽來只見鞍向北長鳴天外遠臨風斜控  
耳邊寒自知毛骨應還異更請孫陽仔細看 秦韜玉

紫騮馬詩曰渥洼奇骨本難求況是豪家重紫騮  
臙大宜懸銀壓膀力渾欺着玉銜頭生獰弄影風隨步  
蹠踐衝塵汗滿溝若遇丈夫能控御任從騎取覓封侯  
張

隨敕賜三相馬詩曰上苑驊騮出中宮詔命傳九天  
班錫禮三相代勞年顧主聲猶發追風力正全鳴珂  
龍闕下噴玉鳳池前四足疑雲滅雙瞳比鏡懸為因  
能致遠今日表求賢章孝標騏驎長鳴詩曰有馬骨  
堪驚無人眼暫明力窮吳坂峻嘶苦朔風生逐逐懷  
良御蕭蕭

顧樂鳴瑤池期弄影天路擬飛聲皎月誰知種浮雲莫  
問程鹽車今願脫千里為君行 宋文同紫騮馬詩曰  
翩翩紫騮馬爛爛黃金鞍流水四蹄急飛星雙月寒擁  
頭青玉鉞蔽膝綵絲鞵誰取交州鼓模將骨去看 許

彥國紫騮馬詩曰黃金絡頭玉為轡蜀錦障泥亂雲葉  
花間顧影驕不行萬里龍駒空汗血露牀秋粟飽不食  
青芻苜蓿無顏色君不見東郊瘦馬百戰場天寒日暮  
烏啄瘡 宋伯仁邊頭老馬詩曰解下韁繩便欲眠絕

無筋力可勝鞭霜蹄徧識淮南地夜草猶吞塞北煙怕  
逐綵旗排偃月寧思金鐙趁朝天華山自有安身處試  
問將軍在幾年元楊載神馬歌曰神馬來自崑崙西  
有足未始行沙泥朝趨欲出飛鳥上夕逝直與奔星齊  
綠駿半散挿雙耳赤汗交流攢四蹄風神秀猛陜天地  
豈顧燕蔡并渠藜時時牽浴臨清溪對人誇殺黃鬚奚  
玉沙之禾中芻秣不啗堤頭枯草稊與君側耳聽長嘶  
凡馬不聞生駃騠貢師泰上都詐馬大燕詩曰紫雲

扶日上璇題萬騎來朝隊伍齊  
織翠轡長攢孔雀鏤金鞍  
重嵌文犀行迎御輦爭先避  
立近天墀不敢嘶  
十二街頭人聚看傳言丞相過沙堤  
納新劉舍人桃花馬

歌曰青絲駿馬桃花色翠鞍玉轡黃金勒  
奚奴牽出不敢騎道上行人爭愛惜  
往時曾遇李將軍汗流赤血氣如雲  
朝刷黃河莫南粵沙場百戰成奇勲  
歸來無心伏槽櫪頓轡長鳴思奮力  
東家白面繡衣郎千金買去遊南陌  
昨朝校獵向城隅萬人爭說天下無  
夜歸不怕霸

陵尉玉鞭醉打蒼頭奴畫燭銀屏歡徹曙一朝金盡賓  
朋去可憐驕馬屬誰家斷繮猶繫階前樹君不見西家  
欸段三十年青芻滿櫪菽滿田老翁不識城下路騎看  
射獵南山邊 朱德閏觀內殿洗馬詩曰黃雲灑雨沙  
場秋灘高水平凝不流曉霜襲透蒼駝裘圉人浴馬津  
水頭綠驃連錢雙驂驢日光射波脂膩浮青絲脫鞵黃  
金鉤輕爬短刷濕未收三花剪髮平且柔籟雲駿氣將  
無儔束芻斗豈馬羞茫茫豐草生林丘霜蹠胡為踏

長楸振鬣一躍期天遊  
郝經詔錫張蔡公大宛二馬

詩曰二馬飄飄萬里來  
玉花蕭颯上金臺  
風生兩耳雲霄近  
電掣雙瞳日月開  
渥水虎文連朔氣  
大宛龍種絕氛埃  
將軍正欲成勲業  
看汝驍騰展驥才  
馬祖常挑

花馬詩曰白毛紅點巧安排  
勾引春風上背來  
莫解雕鞍橋下浴  
恐隨流水泛天台  
周伯琦天馬行應制詩

曰飛龍在天今十祀  
重譯來庭無遠邇  
川珍嶽貢皆貞符  
神駒躍出西洼水  
拂郎最爾不敢留  
使行四載數萬

里乘輿清暑灤河宮幸臣奏進閭闔裏昂昂八尺阜且  
偉首揚渴烏竹批耳雙蹠縣雪墨漬毛疏駿擁霧風生  
尾朱英翠組金盤陀方瞳夾鏡神光紫聳身直欲凌雲  
霄盤辟丹墀却閑顏黃鬚圉人服龙詭驪鞚如縈相諾  
唯群臣俯伏呼萬歲初秋曉霽風日美九重洞啟臨軒  
觀袞衣冕耀天顏喜畫師寫倣妙奪神拜進御牀深稱  
旨牽來相向宛轉同一入天閑誰敢齒我朝幅員古無  
比朔方鐵騎紛如螳山無氛祲海無波有國百年今見



此神州首宿西風肥收斂驕雄聽驅使屬車歲歲幸兩  
京八鸞承御壯瞻視騶虞麟趾並樂歌越雉旅燹盡風  
靡迺知感召由真龍房星孕秀非偶爾黃金不用築高  
臺髦俊聞風一時起願見斯世皞皞如羲皇按圖畫卦  
復茲始 張憲立仗馬詩曰照夜玉狻猊霜毛鐵鑿蹠  
春風金絡腦小雨錦障泥御駕馳天上軍封受海西日  
供三品料緘口不聞嘶 又桃花馬歌曰房星下飲瑶  
池清神光夜化花龍精東風滿背騎不得冰痕淨洗黃

魚腥斑斑朱英點精雪滴滴真珠汗凝血高蹠蹋花  
雨香仰面嘶春春正熱周家穆滿遊懸圃萬里西馳覲  
王母青絲繫樹搖玉珂錦繡叢中五雲舞歸來復入元  
都觀紫陌韶華政零亂天閑不數連錢驄路人只作文  
彪看天台九曲溪流芳解鞍春水浮丹光劉郎牽入落  
花去撲面玉鞭蝴蝶忙風流自許王武子未信叔癡癡  
不語千年駿骨作銅聲燕昭臺高金似土 明高啟馬  
詩曰羅帕覆春風連鞍賜有功蹄高騎得稱身出萬軍

中 郭翼和李長吉馬詩曰神駿知無匹驍騰絕域來  
流沙一丈雪夜拂白龍堆 又曰天子飛黃馬牽來賜  
近臣玉階新雨過風袞落花塵 又曰內殿玉花驄斑  
斑歎肉駿奚官新浴罷沙苑踏春風 又曰佛郎通上  
國萬里進龍媒曉日開閭闔紅光上玉臺 又曰天馬  
誰能御和鸞駕紫薇年年清暑去霹靂逐龍飛 曾棨  
天廡神兔歌序云永樂七年春二月余以扈從北巡給  
賜內殿兔色馬一匹蓋朝鮮所貢也神駿超越異於凡

馬經數千里若有餘力予聞古良馬有赤兔之名故作  
神兔歌以贊之曰天廐名馬不易得鳳臆龍鬚秋兔色  
圍官嘶養十餘載云昔來自朝鮮國想當此馬初生時  
蛟龍降精雷雨垂房星夜墮水盡赤雲霧下繞靈風吹  
雄姿逸態真神駿踠促蹄高雙耳峻目光夾鏡炯方瞳  
汗血流珠膩紅暈朝鮮得此不敢騎覆以黃氍獻赤墀  
迺知天廐盡龍種如此萬匹皆權奇今晨韞出迴殊絕  
扈從鑒輿自超越朝趨遠促交河冰夕秣驕嘶薊城月

君不見肅爽驊騮古亦多老不一試將奈何  
駑駘無力枉蹠躩俗馬有肉空嵯峨平生憐爾  
獨遭遇繡勒金鞍照瓊署相期慎保不凡姿  
萬里長隨六龍馭 王直題

馬詩曰鳳臆龍髻世不多春風飽食玉山禾  
升中自是明時事岱岳雲亭想一過 郭登  
騏驎詩曰萬里龍沙百戰歸輕塵不動四蹄  
飛可憐汗血常消瘦不及駑駘似瓠肥 王  
慎中紫騮馬詩曰朱汗四垂碧玉蹄韁絲  
陡勒不勝嘶長安陌上催花雨萬樹紅英  
踏作泥 徐

渭賦得風入四蹄輕曰駿馬四蹄風形容有杜公一塵  
不動外千里颯然中白草連天靡蒼鷹跼翅從檀溪不  
須躍隨意過從容 又曰愛妾換初酬將軍募紫駟

颯只聞響陣陣不禁秋練影難長曳房星易一流路傍  
看不細多是失回頭 又曰借將從虎物并去翼龍腓

戍削纔辭櫪崩轟已破圍寒呼隨蹀起黑旋裹鞍飛曾

聽將軍說雙雙碎鐵衣

注云雷總戎嘗騎千里馬風掣其衣僅存襟背又云趙總戎亦

然

又曰赤驥本龍精行時不是行看遲八尺影過急

一團聲帶烙成駢死嘶鹽了此生孫陽何處是淚盡太行程

原賦魏應德璉慙驥賦曰慙良驥之不遇兮何屯否之  
弘多抱天飛之神號兮悲當世之莫知赴懸谷之漸塗  
兮陟高岡之峻崖懼僕夫之嚴策兮載悚慄而奔馳懷  
殊姿而困遇兮願遠跡而自舒思奮行而驤首兮叩纏  
練之紛挐牽繁轡而增制兮心惱結而槃紆涉通達而  
方舉兮迫輿僕之我拘抱精誠而不暢兮鬱神足而不

攄思篩翁於西土兮望伯氏於東隅願浮軒於千里兮  
曜華輶於天衢瞻前軌而促節兮顧後乘而躊躇展心  
力於知己兮甘邁遠而忘劬哀二哲之殊世兮時不遘  
乎良造制銜轡於常御兮安獲騁於遐道 晉曹毗馬

射賦曰奔電無以追其蹤逸羽不能企其足狀若騰虬  
而登紫霄目似晨景之駭扶木體與機會動躡驚風於  
是抗孫陽之轡轡繁弱之弓輕足鬱其雲合妙手於焉  
爭雄 傅休奕乘輿馬賦曰目若曜星符采橫發高顛



懸日雙璧象月頭似削成鬣如鬢髮延首高驤擢足軒  
峙氣蓋青雲勢凌萬里九方不能測其天機秦公不能  
究其妙理 又馳馬射賦曰何逸群之奇駿生濛汜之  
遐濱附南方以定位表天駟於三辰儀乾行之剛健憑  
坤厚以托身豈驥德之足慕晞萬里之清塵 宋劉義  
恭白馬詩曰惟皇有造惟靈有秘麗氣摘精底愛覃粹  
八埏稽首以賓庭九荒歛衽而納輶象車垂德以服廂  
龍馬宅仁而受轡是以周稱踰輪漢則天駟體自乾維

衍生坎位伊赭白之為駿超絕世而稱驥爾其為狀也  
竦身輕足高顙露睛氣猛聲烈步遠視明著獻西宛表  
德東京價傾幽夏觀竭都城飾金駿之候爍揚玉鑾之  
玲瓏發鳴鏑於懸月驅永埒於修垠旋四介以作好耀  
二矛之重英舉舊閑而未儔考前迅而較名 顏延之  
赭白馬賦曰昔帝軒陟位飛黃服阜后唐膺錄赤文候  
日漢道亨而天驥呈才魏德茂而澤馬效質伊逸倫之  
妙足自前代而間出並榮光於瑞典登郊歌乎司律所

以崇衛威神扶護警蹕是用精曜叶從靈物咸秩暨明  
命之初基罄九區而率順有肆險以稟朔或踰遠而納  
賁觀其附筋樹骨垂梢植髮雙瞳夾鏡兩權協月異體  
峰生殊相逸發超攄絕夫塵轍驅騫迅於滅沒然而盤  
於遊畋作鏡前王肆於人上取悔義方天子乃輟駕迴  
慮息徒解裝鑒武穆憲文光振民隱修國章戒出豕之  
敗御惕飛鳥之跼衡故祇慎乎所常忽敬備乎所未防  
輿有重輪之安馬無泛駕之佚處以濯龍之輿委以紅

粟之秩服養知仁從老得卒加弊帷收仆質天情周皇  
恩畢 謝莊舞馬賦曰天子馭三光總萬寓挹雲經之

留憲裁河書之遺矩是以德澤上昭天而下漏泉符瑞  
之慶咸屬榮懷之應必纏月晷呈祥乾維效氣賦景河  
房承靈天駟凌原郊而漸景躍流泉而泳質辭水穴而  
南徠去輪臺而東暨登玉塞而歸寶奄芝庭而獻秘及  
其養安騏校進駕龍涓暉大馭於國阜賁上裒於帝閑  
超益野而踰綠地軼蘭池而轢紫燕五王晦其頤孫氏

惜其元東門豈或狀西河不能傳既秣芑以均性又佩  
衡以崇躅養雄神於綺文蓄奔容於帷燭蘊浮雲之銳  
影戢追電之逸足方疊鎔於丹縞亦連規於朱駁觀其  
雙壁應範三封中圖黜骨滿燕室虛陽理競潛策紆汗  
飛赭沫流珠至於肆夏已升采齊既薦始徘徊而龍俛  
終沃若而鸞盼迎調露於飛鍾起承雲於驚箭寫秦垌  
之躡塵狀吳門之曳練窮虞廷之蹈蹠究遺野之環袪  
夫蹠實之態未卷凌遠之氣方攄歷岱野而過碣石跨

滄流而軼姑餘朝送日於西坂夕歸風於北都尋瓊宮  
於倏瞬望銀臺於須臾 增唐人舞馬賦曰爾其聆音  
却立赴節騰湊顧遲影而傾心效長鳴而引脰踈跡遲  
遲汗血生姿順指不動因心所之日照金羈而晴光交  
映風飄錦覆而淑氣相資 又舞馬賦曰飾金羈頓紅  
綏類却略以鳳態終宛轉而龍姿鼉鼓歷考龍笛昭宣  
知執轡之有節乃蹠足而爭先迫而觀焉若桃花動而  
順吹遠而察之類電影倏而橫天 喬彞渥洼馬賦曰

目散電兮彪駁喙含丹而虎牙躡紅雲而噴玉霑赤汗  
以攢花然後絡以金羈拂於鱗鬐睛射紫焰梢垂綠絲  
凝嬌欲嘶嚼淒鏘之玉勒疊影善顧紛偃蹇之朱旗

胡直鈎獲大宛馬賦曰材為地產之最精降天山之中  
沛艾骨異低昂氣雄溢鏡光於金勒流雪影於花驄

王損之汗血馬賦曰名重綠驥價高驪驪骨騰肉飛既  
揮紅而沛艾鱗超龍鬐亦流汗以徜徉當其辭絕塞而  
長征望漢庭而遐騁初疑靄靄染瀚海之霜華終訝淋

滴變榆關之霞

一作影

王起朔方獻千里馬賦曰始

其同群豐草挺質寒鄉名超茲白瑞掩飛黃走險鹿駭

望雲龍驤繫之維之登歌不慙於西極若滅若沒獻狀

聿來於北方

牛上士古駿賦曰俠少

驕賊

上必由下許聿切

雄駒捷疾耳若挿筩顧疑削出跼金鑣以弄影控鐵銜

而齧膝始驂驪以舞風忽獲略而追日

謝觀吳坂馬

賦曰當其初出渥洼孰分駑驥雖白日之可逐曷青雲

之自致善相爰來精神陡迴奮迅而蜩毛俱聳嘶鳴而



星眼俄開 武少儀相馬賦曰鬣青絲兮風生眼黃金  
兮電光蹄盤攤而散花毛翕施而成章衆人觀之駢於  
路傍為龍為鹿莫敢比方而不知若此者足不遵地影  
不逐形騰六合歎四溟截飛鳥遺流星日車為之不轉  
風馭為之中停貳師罷貢伯樂焚經非遇徐公之術曷  
擅天下之名 宋米芾天馬賦曰目星角以電發蹄踔  
踔以風迅鬣龍顙而孤起耳鳳聳以雙峻翠華建而出  
步閭闔下而輕噴低駑群而不嘶橫秋風以獨韻 明

羅汝敬龍馬賦曰含秀月窟播品東溟繫駉駉兮毓質  
蒼龍兮降精方其震電倏爍風雨晦冥房星馭兮移次  
川后翕兮效禎匪渥洼之異產信滎河兮同徵

原頌魯國黃伯仁為龍馬頌曰夫龍馬之所出於太蒙  
之荒域稟神祇之純化乃大宛而再育資黠螭之表像  
似靈虬之注則奪腰褭之體勢逸飛兔之高蹤兼驥騄  
之美質豈驊騮之足雙耳如剡筩目象明星雙壁似月  
蘭筋參情 增梁簡文帝馬寶頌并序曰五月丁酉詔

以馬寶示群臣太僕校官趣馬掌贊三令五申丞聯事  
舉八麗周圍給役相趨暉煜金鑣陸離寶勒丕煥無疆  
之德永呈致遠之功鸞盼善鳴龍儀美稱足轉驚電眼  
流含燭霧噴紛霏流沫飄灑數千為壽豈待原蠶之禁  
萬里一息不藉杜衡之草王良不能控其衡策伯樂不  
能辨其天機方知總轡崑岑周非吾馭張樂大野夏有  
慙德豈止沈河用壁獨有綠文之稱盛德在木偏受蒼  
龍之名臣謹按華子云堯漢皆得馬者堯漢皆火德正

斗南方乘德而至也豈非聖德汪濊皇風洋溢研機洞  
幽備禮達義是以天不愛道白馬嘶風王澤効祥朱鬣  
降趾比夫圓蹄方足蹀躞在郊風歛電奔遨遊處囿五  
彩依樹三雀登巢安髣髴於當今弗擬議於休應伊臣  
不佞結慶雲霄親承詔旨預觀寶瑞退而作頌其辭曰  
乾道應坤馬來度玉關升玉臺鏤錫煥鸞鑣迴槃雲轉  
堞塵開千天駟百龍媒永伏皁埽駒駉秣瑶粟委芳芻  
九夷款四表清駉胥樂興頌興

原贊晉郭璞馬贊曰馬出明精祖自天駟十閑六種各有名類三才五御駑駿異轡周庾信秦穆公馬贊曰

駿馬遇盜秦君不瞋先傾美酒翻畏傷人鄰兵向國窮寇侵秦於時大盜還作功臣增唐人昭陵六馬贊其

一曰月精按轡天駟橫行弧矢載戢氛埃廓清

右拳毛騮黃喙

平劉黑闥時所乘其二曰漚澗未靜斧鉞伸威朱汗騁足青旌

凱歸

右什代赤純赤色平世克建德時乘

其三曰倚天長劒追風駿足聳

轡平隴回鞍定蜀

右白蹄烏純黑色四蹄俱白平薛仁果時所乘

其四曰應策

騰空承聲半漢入險摧敵蒙危濟難

右特勒驃黃白色  
喙微黑平宋金剛

時所乘

其五曰紫燕超躍骨騰神駿氣龍三川威陵八陣

右颯霧紫紫燕驪  
平東都時所乘

其六曰足輕雪影神發天機策茲飛

練定我戎衣

右青驪蒼白色平  
寶建德時所乘

原狀宋顏延之天馬狀曰降靈驥子九方是選白驥朱

文綠蛇紫燕水軼驚鳧陸越飛箭遇山為風值雲成電

增唐孔戣謝借馬狀曰輟驊駟於內廄騁逸步於長

衢驅馳忘勞服習如志誓當夙駕無任感恩 于邵謝

借馬狀曰遂躡權奇方遺款段瞻天心喜已馳捧日之  
恩向關身輕更遇奔星之足齊映為趙相公謝馬狀  
曰猥出上賜特賚微臣豈徒體合鑄金法相皆備而乃  
足符歷塊驪德是稱李商隱代謝借飛龍狀曰梁懸  
蜀銓几覆吳鞍每多曳練之疑不假着鞭之力候踰秦  
甸將復周閑照地迴光瞻天送影長亭欲別未期東道  
而來雙闕倘嘶願附北風之思又代進賀端午馬狀  
曰伏櫪斯久着鞭亦多粗覺柔馴未嘗奔逸雖非龍媒

驥子邈一舉以絕塵願陪月駟雲螭慶千嘶於扈蹕

元稹進馬狀曰同州防禦使供進烏馬一疋八歲堪打  
毬及獵北方正色東道奇蹤調習多時備諳材力 令

狐楚進異馬駒狀曰稟天駟之精體坤元之德毛卷惟  
細鬣赤而高尾掉肉而蜿蜒額帶星而個儻雙瞳有耀  
四蹄如削宛然天產定是龍媒允協建午之辰光昭太  
乙之貺

原表魏曹植獻文帝馬表曰臣以先武皇帝世得大宛



紫騮馬一匹形法應圖善持頭尾教令習拜今輒已能  
行與鼓節相應謹以奉獻 唐李嶠為鳳閣李侍郎謝  
賜馬表曰移滅沒於帝閑降權奇於御皐漢宮流赭遂  
出於玉臺軒后飛黃俯回於馳道 李邕進文馬表曰  
豹蔚騰文龍章助聖書籍所未載耳目所未聞 令狐  
楚進異馬駒表曰當道征馬使穆林狀稱忻州定襄縣  
馬群內生異駒一疋駝頭鐵額紅鼻肉駿尾上茸毛額  
帶星文肋骨左右各十八枝四蹄青兩眼黑當生之夜

群馬皆嘶靈質炳然休徵備美

原啟梁元帝謝晉安王賜馬啟曰繹武媿仲都遂蒙大  
驪之錫儒謝春卿空頌名馬之賚故以取方驎友自匹  
龍媒不待景公宛如齊畫無勞馬援翻等漢銅豈有滅  
沒黑龍連翩白馬錢文見重津名取貴相彼騏驎猶深  
戀主矧伊伏櫪彌結懷恩 邵陵王謝令賚馬啟曰連  
翩絕景沃若追風超渥水之形踰大宛之狀荷傳西蕃  
將達宮闔無任城之氣勇降東平之嘉錫何以揚名沙

漠仰稱隆慈戀德銘心矚恩雨淚 劉孝威為皇太子  
謝敕賚功德馬啟曰伏惟忘我狗物屈已濟民該天地  
而大捨總日月而為施既脫輓於金輪又解驂於紺馬  
出余吾之水服陶駘之廐名高夏后之龍價倍田方之  
贖謹當秣以柏葉飴以丹棗加之玉鞍飾之金絡 劉  
孝儀謝豫章王賜馬啟曰出自北冀來從東道儻越兩  
驂驅同八駿脩坂且厲無復良樂之鳴長楸可走不假  
幽并之策 周庾信謝滕王賚馬啟曰柳谷未開翻逢

紫燕臨源猶遠忽見桃花流電爭光浮雲連影張敞畫  
眉之暇直走章臺王濟飲酒之歡長驅金埒 王褒謝  
賚馬啟曰邊城無草來自東南塞外饒沙經從西北漢  
時樂府偏愛權奇晉世桑門特憐神駿黃金作勒足渡  
西河白玉為鐙方傳南國倘逢漢帝仍駕鼓車若值魏  
王應驚香氣

原書魏文帝與孫權書曰前使于禁郭及夫所遺吾織  
驪馬本欲使禁自致之念將軍倘欲速得今故以付徐

奉往此二馬朕之常所自乘甚調良善走數萬匹之極  
選者乘之真可樂也中國雖饒馬其知名絕足亦時有  
之耳 梁元帝荅齊國雙馬書曰名重桂條形圖柳谷  
襄陽地穴近求未易滇池水裏遠訪猶難價匹龍媒聲  
齊驥子河東耀采似伏波之鑄銅震象飛文笑東瀛之  
刻玉加以控斯銀勒利此金銜鞍揭鏤衢光含兩月纏  
縈紫縷色麗雙絲方嗤晉后恒乘鄭國之駟更鄙曹君  
輕餉蜀王之馬 又書曰於戲馬之為用遠矣大矣斯

所以乾為瘠馬震為馵足有是哉有是哉何則泮渙而馳可以及日躊躇而蹠可以追風赤兔之騰聲的盧之濟主陳王有照羈之說班生有繯絆之談抑聞斯美遠勞此費懷哉懷哉老生不云乎雖有拱壁以光駟馬良用此道中心藏之何日忘之

增說唐韓愈雜說曰世有伯樂然後有千里馬千里馬常有而伯樂不常有故雖有名馬祇辱於奴隸之手駢死於槽枥之間不以千里稱也馬之千里者一食或盡

粟一石食馬者不知其能千里而食也是馬雖有千里之能食不飽力不足材美不外見欲與常馬等不可得安求其能千里也策之不以其道食之不盡其材鳴之而不能通其意執鞭而臨之曰天下無馬嗚呼其果無馬也耶其真不知馬也 劉禹錫說驥曰伯氏佐戎於朔陲獲良馬以遺予予不知其良也秣之稊稗飲之汙池廐櫪也上痺而下蒸羈索也綴索而續鞶其易之如此予方病且窶求沾於肆肆之馭亦不知其良也許其

價六十緡將劑矣有裴氏子羸其二以求之謂善價也  
卒與裴氏裴所善李生雅挾相術於馬也尤工覩之周  
體眙然視欣然笑既而扞隨之且曰久矣吾之不觀於  
是也是何柔心勁骨奇精妍態宛如鏘如華如翔如之  
備耶今夫馬之德全然矣顧其為駒藏銳於內且秣之  
乖方是用不說於常目湏其齒備而氣振則衆美灼見  
上可以獻帝閑次可以鬻千金裴也聞言竦焉遂警其  
僕蠲其阜筐其惡蜃其溲摧以美薦秣以薌粒起之居



之澡之掭音震之無分陰之怠斯以養馬養馬之至分也

居無何果以驥德聞李翱國馬說曰有乘國馬者與

乘駿馬者並道而行駿馬嚙國馬之髮血流於地國馬  
行步自若也精神自若也不為之顧如不知也既駿馬  
歸芻不食水不飲慄而立者二曰駿馬之人以告國馬  
之人曰彼蓋其所羞也吾以馬往而喻之斯可矣乃如  
之於是國馬見駿馬而鼻之遂與之同櫪而芻不終時  
而駿馬之病自己

增序梁張率舞馬賦序曰禮稱驪駮詩頌騶駼先景遺  
風之美世所得聞吐圖靈光之異有時而出大梁光有  
區夏廣運自中日入之所浮琛委贄風被之域越險効  
珍軫服烏號之駿駟駮豢龍之名而河南又獻赤龍駟  
有奇貌絕力能拜善舞

駟駮一

原爾雅曰駟駮北野之良馬 增一曰野馬 原山海  
經曰北海內有獸焉狀如馬名曰駟駮色青 史記曰

匈奴奇畜則駒騊 增瑞應圖曰駒騊幽隱之獸有明  
王在位即至為時除災害 淮南王術訓云湯武聖王  
也而不能與越人爭幹舟而浮於江湖伊尹賢相也而  
不能與秦人騎騊馬而服駒騊

## 駒騊二

原贊晉郭璞駒騊贊曰駒騊野駿產自北域交頸相摩  
分背翹陸雖有孫陽終不在服

## 駁一


原爾雅曰駮如馬鋸牙食虎豹 山海經曰中曲之山

有獸焉其狀如馬而身黑二尾一角虎牙爪音如鼓其名曰駮是食虎豹可以禦兵 增唐杜甫朝享太廟賦曰吟翠駮而未乘 北史曰北齊張華原為兗州刺史先是猛獸為暴忽有六駮食之人謂政化所感 宋史列傳曰劉敞奉使契丹順縣山中有異獸如馬而食虎豹契丹不能識問敞敞曰此所謂駮也為說其聲音形狀且誦山海經管子書曉之契丹歎服

駁二

增詩唐李白送張秀才從軍詩曰六駁食猛武恥從驚  
馬羣一朝長鳴去矯若龍行雲

原贊晉郭璞贊曰駁惟馬類食畜之英驤首騰尾噓天  
雷鳴氣無不凌吞虎辟兵



御定淵鑑類函卷四百三十四